

**Phau ntawv qhia txog peb
hmoob lub neej yav tom
ntej thiab kev tswjHwm yus
haiv neeg kom tsheej haj
xws li luag pej kum neeg
nyob hauv daim luaj pua no.**

= koom haum hmoob txuj ci .

(Hmong cultural center)

**= Tus tshawb fawb thiab tawm tswv
yim los tsim phau ntawv no yog :**

= Yawg xwm puam phij:

Tub ntxawg lis paj laum.

(major Tougeu leepalao)

Tougeu leepalao
687 charles ave
St paul, MN 55104
(612) 221 0945
Military Back GROUND.

January 1961: Assistant coordinator of Area site 15 of Area Gather
A D C

May 1963 : Military training at cadet school at PHAKHIAO site 14
For 6 months

Dec 1964 : Chief commander coordinator of Area on zone 2A LS 15

January 1966: Training in General, technic staff AT LONGCHIENG
On site 20A for 6 months.

July 1966: Chief commander coordinator of Area At zone 12B site
184 At SANEUNE.

April 1968: Chief Trainer At Training center camp on site 113 gather
S.G.U and B.O.C

June 1969: Assistant Director, chief Trainer and chief commander At
S.4 in center training in Longchieng LS 20A,S.G.U,B.O.C
And M.T.T.

1971 to 1975: Chief commander B.O.C of Area zone site 20 At
SAMTHONG.

= My last military RANK in the US-LAO ARMY was
MAJOR (commandant)

References: American C.I.A. whose I had worked with At the
training camp were

- 1/- Mr. THORN
- 2/- Mr. BOB G
- 3/- Mr PAT
- 4/- Mr. PAUL
- 5/- Mr. PITE

Koom haum hmoob txuj ci,keeb kwm,dab qhuas,caj ces muaj xws li

1/- hmoob keeb kwm, caj ces muaj li no:

- | | |
|-------------------|-------------|
| 1/- poj caj , | yawg caj |
| 2/- poj ces , | yawg ces. |
| 3/- pog hlav , | yawg hlav |
| 4/- pog ncau, | yawg ncau. |
| 5/- pog suab, | yawg suab |
| 6/- pog koob, | yawg koob. |
| 7/- pog, | yawg. |
| 8/- niam....., | txiv |
| 9/- tub....., | nyab |
| 10/- ntxhais,.... | Vauv |
| 11/- xeeb leej... | xeeb ntxwv. |

2/- hmoob kev ua dab,ua qhua muaj li no:

1/- hmoob yog ib tug niam , ib tug txiv yug tshwm sim los ua neeg nyob lub ntiaj teb no xwb.

2/- hmoob kev ua dab, ua qhua raws li poj ua tseg, yawm ua cia mas yog ib tug dab qhuas xwb.

3/-hmoob txuj ci hwj chim muaj xws li nram no :

1/- hmoob rab qeej: qeej yog peb hmoob puav pheej , qeej yog niam nkauj iab txiv nraug oo ua tus tsim tawm los rau noob neej hmoob tshuab tsa hwj chim thiab cia ua puav pheej rau haiv hmoob.

2/- hmoob : Raj, ncas , tshuab nplooj yog niam nkauj iab qhia rau noob neej ua kev lom zem los ntxuav kho tib neeg nplooj siab kom noj qab nyob zoo ntsej muag luag ntxhi xwb.

3/- Kwv txhiaj lus taum yog : poj caj yawm ces qhia rau noob neej ua kev laj tav haub yaum txog txoj kev sib hhub, sib hmov,sib tshua ntawm noob neej txoj kev ua nkauj ua nraug nyob ntiaj teb no.

4/- Zaj tshoob: yog yawm saub qhia rau nkauj mim thiab nraug nus nkawd coj los ua kev teev hawm rau noob neej thaum muaj tub, ntxhais sib yuav ua txij ua nkawm raws li hmoob txuj ci .

5.- Zaj txiv xaiv : yog yawm saub qhia rau noob neej ua kev tsa koob meej hwj chim rau ib lub ntees tuag xws li : qhuab qhia kev ncaj ncees,qhia qhov chaw zoo faus tus neeg tuag, foom koob hmoov kev ua nom tswv faj tim huab tais rau ib tsoom tub kiv nyob ntiaj teb kom khaws tau.

= nkauj thiab qeej yog hwj chim rau lub ntees.

= qhuab ke yog: ib zag khawv koob yawm saub qhia kom xa tus neeg tuag tus ntsuj plig mus txog yawm saub lub ntuj pheej xeeb xwb.

6/- Neeb yaig yog: txoov siv yis ib hauv kuab muaj tsuas los kho noob neej tus kab mob xwb.

Major Tougeu leepalao

Major Tougeu leepalao lub neej.

=kuv yug lub: 7/20/30 nyob lub zos phvv lwj,toj xeem nas vas,moos hmoob,xeev khuam(xiengkhouang Laos)

=kuv kawm ntawv los tsuas tiav nqe.p.3 xeem tau daim ntawv pov thawj certificate xyoo 1950 nyob phonsavane

=xyoo 1953 kuv kawm kev cai ua tub rog hav zoov

(special guerrilla unit and parachute) nyob Capsaint Jacque province de Saigon south Vietnam).

= xyoo 1960 kuv kawm ntawv fab kis tiav thiab xeem tau daim Certificate nqe. P.6. nyob xiengkhouang Laos

=xyoo 1961 kuv tau txais lub hwj chim tub rog pawg pua(soulieutenant) xyoo 1962 kuv kawm kev cai ua tus thawj tswj tub rog pawg pua nyob lub yeej pham qhom kuv tau txais lub hwj chim thawj tswj (lieutenant)

=xyoo 1963 kuv ua thawj tswj tub rog pawg txhiab nyob ZON. 2 .A.BANNA. LS.15. xeev khuam (xiengkhouang) Yog pawg tub rog hav zoov(special guerrilla unit)

=xyoo 1965 kuv kawm kev cai nyob office staff thiab tswj hwm tub rog pawg txhiab tiavnyob looj ceeb Laos.

kuv tau txais hwj chim yog. Captaine. Xab khais tob)

=xyoo 1966 kuv ua thawj tswj pawg txhiab tub rog nyob ZON 12 B.LS.184 nyob tuam phvv lis (xeev xas niam.)

=xyoo 1967 General vaj pov kom kuv los ua xib hwb qhia tsoom tub rog. S.G.U. B.O.C. nyob rau lub yeej moos cab(camptraining center moungdecha. LS. 113.

=Xyoo 1969 kuv txais hwj chim ua tus lwm thawj tswj thiab ua xib hwb qhia nyob lub yeej(camptraining center long cheng looj ceeb) thiab tau txais lub hwj chim: major(commadant) ntawm huab tais los tsuas.

= xyoo 1976 kuv tau coj poj niam tub se khiav tawm lub
teb chaws los tsuas mus rau noom qhais taib teb.
=xyoo 1978 kuv tau ua neeg thoj nam mus rau fab kis teb .
French. nyob lub zos Lagny (xeev paris)
= xyoo 1982 kuv tau thoj nam mus nyob lub zos kas kos
xeev. Guyane francaise. French Guiana.
= lub : 9/9/89 kuv tau thoj nam mus rau America.u.s.a.
mus nyob lub zos STPaul,Minnesota.
=xyoo 1993 kuv tau txais lus pom zoo thiab tso cai los
ntawm hmoob 18 xeem minnesta, kom kuv ua tus xib hwb
tshawb fawb qhia hmoob kab lis kev cai kev cai lij choj
xws li: mooj kav, moj coj, moj yam, moj yeeg qauv lw,
mooj keeb cag ko, nywj keeb ntawm haiv neeg hmoob
khaws tseg cia ua puav pheej lawm yav tom ntej , yog li tau
hais los no mas thiaj tau los thov ntaub ntawv kev pom zoo
thiab tso cai los ntawm nom tswv American, mas hmoob 18
xeem thiaj teeb tsa tau lub koom haum hmoob no sawv tuaj

= St Paul, 3/2/ 2001.

Cim npe. Major Tougeu leepalao.

Phau ntawv no ntos txog liaj txheej ncauj kev chiv keeb txhim khopeb lub neejhmoob. Kauj ruam zug ib uas peb yuav txhim kho neej hmoob no, peb yuav tsum paub kom txog lub keeb cag ntawm txoj kev kho xws li :

- yuav kho teb chaws : yuav tsum kho peb cov neeg kom muaj xyuam yeem yam tsawg kawg yog 60 feem pua.
- yuav kho peb cov neeg.: yuav tsum kho peb txoj kev kawm kom muaj xyuam phiaj thiab keeb txheej txaus.
- yuav kho kev kawm : yuavtsum yog lij cum kev teem teeb sob kawm kom txaus.
- yuav kho sob kawm : yuav tsum kho phaj hauj ntaub ntawv meej cim tswj tim kom tag lus hmoob tso..
- ua ntej yuav kho tau phaj hauj kom muaj quagcim tim tau moj kuab hmoob, yuav yog kho tau mooj kav, moj coj kom peem tsheej tshwm sim thiaj li tau tus phaj hauj muaj quag thiab nyob rau hauv kev ncaj ncees.
- Ua ntej yuav muaj kev ncaj ncees, yuav tsum muaj chaw teev hawm ua chaw ntseeg siab nrhiav kev mooj keeb cag ko kom meej tseeb txaus ntseeg, txaus mloog.
- ua ntej yuav tsim tau mooj keeb cag haiv los ua chaw ntseeg siab ntawd yuav yog peb muaj peb neeg uas yog ib nywj keeb txaus tsim nyog ua tau ib haiv neeg muaj puav pheej los nres cib fim rau ntiaj teb pom, paub.
- li no mas thiaj li yuav kho tau peb lub neej thiab ntiaj teb thiaj li yuav nrog peb keeb tab. Peb lub neej hmoob nyob niaj hnub no thaum txwm nkaus 2000 xyoo yog tias

peb tsis npaj kom muaj txhij mas lub caij ntawd peb nywj keeb hmoob yuav rov ua yoov ntxuav tes li yav thaud thiab yog li no kuv thiaj txiav txim siab los teem phau ntawv no ntos tseg ceeb tab kom haiv hmoob ras txog peb hmoob lub neej uas sawv. tsis nto tsag li niaj hnub no.

Liaj txheej kho neej hmoob. -yuav kho neej hmoob li cas?

- kho kev teev hawm kom meej tseeb.
- kho ntaub ntawv kom yog yus lus.
- kho kev kawm txuj kom muaj fij xws
- kho neeg nplooj siab kom tiaj tus.
- kho teb, kho chaw kom nyob ruaj qoos
- kho kev keeb tiv thaiv txhua yam phem
- kho kev keeb xwm txhua yam zoo

ua ntej ntawm peb yuav peem tsheej ua tau ib haiv li luag pej kum. Peb yuav tsum tig los kho peb cov neeg, yuav kho tau neeg yuav yog peb kho kev kawm kom muaj lij xeeb, lij cum. Yuav yog peb muaj ntaub ntawv los ceev cim tswv yim lij xeeb, yuav kom zoo tshaj, yuav tsum muaj kev teev hawm ncaj ncees los coj ua ntej tuav tib neeg nplooj siab. Li no ua ntej peb yuav peem tsheej peb lub neej hmoob no rau ntiaj teb pom, yuav yog kho npaum li no yam thiaj li yuav tsheej li luag lwm haiv neeg. Yog li no tsim nyog peb yuav pib kho lawm, txhob tos luag tuaj kho rau peb nyob tsam lig mog./.

Kawm kev teev hawm ntuj.

Txoj kev teev hawm yog ib txoj kev ncaj ncees dawb huv nyob tswj tib neeg siab ntsws hauv ntiaj teb no. Vim nyob hauv ntiaj teb no nws zoo tsis thooj li nyob ntuj ceeb tsheej. Li no yawm saub thiaj li tsim kom muaj kev teev hawm, kev ncaj ncees los tsom kwm lub ntiaj teb uas muaj tib neeg nyob txoos rau daim npoo luaj av tsim nuj no. vim lub ntiaj teb txoj kev ywj pheej, pheej phiaj muaj txawm tsis ntxaws, tsis tag li ntawd , keeb neeg los kuj tsis sib thooj txog tus cuj pwm thiab moj yam ntxwv. Tim feeb yawm saub thiaj tau tsim kom muaj ob peb hom kev

teev hawm raws li moj yam neeg thiab txoj kev teev 4
hawm no yog cuj pwm ntawm neeg. Thaum kawg mam li muab tus neeg ntawd coj los puab fim hawm
thiab keev tej keeb cag lus tseg ua tshuaj. Vim tus neeg
ntawd yog neeg hais lus nyiaj, lus kub nws tsis dag, tsis
plhom moj , tsis cem tsis ntaus neeg, tsis tua neeg. Tsis ua tub
sab, tub nyiag, tsis ua kev plees, kev yi dhau kev cai.
Thaum kawg ntiaj teb khaws nws tus yeeb yam ntxwv
thiab lub tswv yim los coj, muab nws lub cev zeej txhiaj
coj los puab ua peeb ceeb tseg rau neeg saib ua puav
pheej puav peev. Vim lub ntiaj teb tim tsum txoj kev laj
kev zoo thiab neej txwm lij, thaum kawg qee' leej neeg
thiaj li peem tsheej ua pov nyiaj, pov kub rau ntiaj teb
neeg fim hawm. Thaum neeg los fim hawm txoj kev zoo
lawm, neeg thiab cov sib ntseeg ntawd thiaj li peem tsheej
ua pab, ua pawg , dhau ntawd thiaj li sib sau nyob ua zej,
ua zos tau, thiaj li txawj sib hlub, sib pab. Thaum muaj
kev sib hlub, sib pab. Thaum kev peem tsheej los ua kab
ke rau suav daws tug lawm, thiaj li yuav tsum muaj ntaub
ntawv thiab twj cim ntsiab lus thiab txoj cai tseg, kom
ntiaj teb khaws thiab ceev tseg ua puav pheej. Tom qab no
txoj kev teev hawm no thiaj peem tsheej ua txoj kev ncaj
ncees tswj neeg ntiaj teb lub siab, lub ntsws kom ncaj
ncees raws li qub yeej cum ntawm tus neeg uas tau tsim
txoj kev sawm txhiaj tseg. Thaum kev teev hawm muaj
nqis lawm yuav ua rau muaj ntaub ntawv tshwm sim los
cim cov keeb ntsiab lus qhia ntiaj teb txhua txhia phaj hauj

Moj kuab nyob rau lub ntiaj teb no puav leej 5
yog tshwm sim los ntawm txoj kev teev hawm
xwb, ua ntej ntawm yuav tshwm sim ntawd, yog
kev teev hawm poj koob yawm txwv thiab lub
ntuj daim av raws li txooj keeb cag tau cim tseg
rau noob neej. Thaum no yawm saub thiaj li kho
lub hwj chim kom paub xav tau tus phaj hauj
ntaub ntawv ntawd los siv rau hauv kev mooj
keeb cag ko, dhau ntawd thiaj mam muab lim los
ua phaj hauj ntaub ntawv siv rau yus haiv neeg.
Sij hawm muaj tus ntaub ntawv los ceev cim
ntsiab lus lawmm, kev teev hawm thiaj muaj
peev xwm keeb tau raws li liaj lwg kab lis kev cai
neeg. Sij hawm yus pawg neeg fim ntseeg txoj
kev teev hawm lawm thaum no thiaj li tsheej
haiv yog neeg. Ua ib haiv neeg tsis muaj txoj kev
teev hawm los ua keeb pov, pov hwm keeb kwm
yus haiv ces ntiaj teb yuav hu yus ua tsiaj lawm
xwb. Yog li no ntiaj teb neeg thiaj sib twv ua
zoo thiab xaiv kev ntseeg los teev hawm feeb chij
pov hwm txoj sia thiab yus haiv neeg. Nyob ntiaj
teb no kev teev hawm muaj ntau yam rau yus
xaiv teev coj. Kev teev hawm muaj ob ham
xyuam xws li :

1/- poj koob yawm txwv, niam thiab txiv
ntawm yus caj, yus ces, yus noob hlua los lawd.

2/- tus nywj vaj uas yog xeeb paub, xeeb txawj

nruab thiab los tshwm sim rau yaj ceeb no. Yog thaum peb pom tseeb, paub meej tias: txoj kev teev hawm ncaj ncees yog chaw txum tim ntawm kev phoj ua neeg lawm, tsim nyog peb txhua txhia leej yuav tau los tshawb fawb txhim kho peb tus keeb cag teev hawm no kom muaj xyuam yeem raws li keeb txheej moj yam tiag tiag. Thaum kawg peb nywj keeb hmoob thiaj li muaj lub chaw nyob, chaw txoos. Yeeb vim tam sis no peb twb paub txog lub keeb ntsiab lawm, tsis tsim nyog peb tseem yuav sib laug caij thiab tseem xauj tom ntej uas twb tsis yog yus keeb yus kwm li teej tug, yuav tsum txhob khuv xim lub dag zog thiab cov lus txawj ntse. Muab lub niam tswv yim hauv cev zeej txhiaj thau los nthuav cob qhia thiab pab txhawb nqa kom yus haiv neeg peem tsheej tau li luag. Ntiaj teb pej kum luag twb noj tsuag meej tag lawm. Tsim nyog thiab txog caij nyog lawm, txhob tseem tso siab rau lwm leej lwm tus tias: luag yuav txhawb rau peb siv mog, yog peb tsis nqis tes los txhawb ces yeej yuav tsis ua npau suav pom lub neej hmoob nyob tiam no ib zaug li. Keeb txheej tiam no peb yog neeg hmoob lawm, txawm li cas los sib pab li neej hmoob kom ntseg mus rau qhov muaj meej mom hwj chim. Kom thaum kawg peb cov neeg hmoob sau zog keeb ua ib

txoog xwb. Kom tom ntej no peb txhob mus ua ntau caj, ntau ces thiab txhob mus lawv luag qab mus nrog luag txhawb luag teej luag tug, thaum kawg luag noj, yus ua yoov ntxuav tes. Thaum cog thiab fab yus nrog luag dob nroj thiab ywg dej, sij hawm tawg paj txi txiv siav lawd yus tsis tau nrog luag saj li. Tej no peb yuav tsum muab ntsuam xyuas xwm kom meej tseeb ua dab tsi kom yog yus teej tug uas yog poj koob yawm txwv keeb xeev cia rau yus thiaj li nrog luag muaj puav pheej.

- kho phaj hauj ntaub ntawv.

- Ua ntej ntawm peb yuav txhim kho kev kawm kom muaj xyuam phiaj, kom mus tom ntej yus cov neeg cov keeb txawj txeeg tuav kom tau peb lub neej thiab tus keeb ko xeeb ceem mas yuav tsum yog peb kho phaj hauj ntaub ntawv kom zoo nkauj thiab kawm yooj yim rau peb cov neeg yeeb vim peb muaj tom qab luag lwm haiv neeg yog peb tsis kho kom yooj yim mas, peb yuav kawm caum tsis cuag luag thiab yuav tsis ncav luag txoj kev huaj vam, nyob hauv txoj kev kho phaj hauj ntaub ntawv ntawd, nws muaj peb yam uas tsim nyog yuav kho raws li nram no.

1/- kho phaj hauj ntaub ntawv kom zoo nkauj thiab 8
yooj yim rau kev pwv xyaum sau

2/-kho phaj hauj kom muaj xyuam yeem xws li rau cim
kom muaj keeb quag raws seem sob.

3/- kho lus teev hawm uas yog cag keeb lus ntawd tawm
ua lus paj, pej xeem thiaj li tsim meej lub keeb ntsiab.

4/- peb yuav tsum tshawb fawb peb cov tsiaj ntaub ntawv
uas tsim nyog yuav kho kom zoo nkauj thiab sau yooj yim
feeb chij kom keeb kawm nco cim tau zoo thiab pwv sau
tau yog. Txoj kev txhim kho no peb yuav tsum tsawb tsa
ib xyuam tim kom muaj meej mom txaus los ua cov thawj
tsom kwm kom suav daws tawm kev pom zoo pob keeb
siv rau yus haiv neeg.

5/- peb xyuam tim muaj meej mom ntawd, yuav tau muab
peb tus ntaub ntawv kho cais cim kom muaj keeb quag
nyob muaj chaw thiab kom muaj puv lub suab hmoob peb
cov neeg thiaj li kawm tau yooj yim heev thiaj raws cuag
ntiaj teb .

6/- yuav tau muab peb hmoob cov keeb lus cag ntawd los
tshawb fawb ua lus paj kom meej, kom peb muaj zoo lus
nrog luag hais, txhob mus hais luag lus

Kho kev kawm txuj ci.

-Ua ntej ntawm peb yuav kho tau peb cov neeg kom muaj
tim fab xyuam yeem ntawd yuav tsum yog peb kho kom
tau kev kawm ntawm peb kom muaj quag, muaj keeb tim
kho. Vim ua ntej neeg yuav paub thiab yuav ntse keeb tau

lus txiaj ntsig yuav yog dhau ntawm cov kev kawm 9
xwb. Yog thaum peb teem fab txuj kawm no muaj meej
keeb quag zoo lawd, peb cov neeg thiaj yuav tau txais lub
niam tswv yim sawm txhiaj ntawm cov kev kawm. Dhau
ntawd nws thiaj keev peb lub keeb tswv yim zoo coj mus
li thiab xyaum tag sij hawm txhua txhia leej tau kawm
thiab pom txoj kev zoo lawm suav daws yuav hais tau ib
lo lus thiab maj mam xyaum taug txoj kev sawm txhiaj uas
nws tau txais kev cob qhia . Lub sij hawm no yuav tsum
muaj cai keeb kav ccov me nyuam tub lub yeej sim mus
mus kawn kom txhua txhia leej. Tsis pub seem ib tug twg
li leej niam, leej txiv twg uas yug tau me nyuam tsis tso
mus kawm lub tswv yim no yuav tsum raug ceeb tab vim
tus yuav rhuav lub neej thiab yuav yuam kev mus xyaum
ntseeg ua lwm yam yog nws tsis tau kawm thiaj tsis paub
nws thiaj li mus ua tau yam piam lub neej hmoob , nyob
hauv txoj kev kawm ntawd peb yuav kho raws li nram no.
1/- kawm kom paub. 2/- kawm kom txawj. 3/- kawm
kom ntse. 4/- kawm kom pom. 5/- kawm kom txog
6/- kawm kom tau..

Kawm kom paub.

-kawm kom paub. Yog chiv keeb ntawm txoj kev kawm
uas peb yuav qhia rau cov tub lub yeej sim kom paub txog
tias. Tus ntawv hmoob uas yog yus teej tug ntawd zoo li
cas? Txog tus moj yam thiab lub sam xeeb hwj chim
ntawm nws qhia, xws li ua ntej ntawd kom me nyuam paub

Txog phiaj yub las thiab phiaj cim ntawm phaj hauj 10
hmoob tom qab ntawd nws yuav nws yuav xyaum sau
thiab kawm thaum no nws paub tias. Cov tsiaj ntawv zoo
li ntawd yog nws teeb mus tiag nws thiaj yuav mob siab
los rheeb kawm kom paub. Sij hawm nws paub lawd nws
yuav xav txawj xav muaj nuj nqis li cas rau nws tus kheej
thiab nws keeb haiv neeg no laud yog sij hawm uas peb
yuav taw qhia kom mus rau txoj kev sawm txhiaj , vim
txoj kev sawm txhiaj ntawd muab txheeb zwm nyob rau
hauv phiaj yub las thiab cim phaj hauj lawm, phaj hauj
nyob zwm rau hauv tshooj keeb cag thiab mooj kav moj
coj ./.

Sob kawm kom txawj.

Kev kawm txawj yog thaum nws paub txog tias. Ua neeg
nyob muaj tug thiab muaj puav pheej, puav peev tiag, nws
kawm kom txawj paub tias; puav pheej, puav peev yog
dab tsi ntawm nws tus kheej thiab muaj nuj nqis txog pes
tsawg . Thaum no txhua txhia leej xav paub, xav txawj sij
hawm no yog lub luag muaj nuj nqis tshaj plaws uas tsim
nyog peb txhob khuv xim lub tswv yim thiab dag zog yeej
meem teeb teem txuj tsim nuj muaj kuab los ntos cob qhia
rau cov tub ntxhais kom txaus. Sij hawm no peb yuav cob
qhia rau cov me nyuam no kom muaj keeb toom xws li tus
muaj hnub nyoog 12 xyoos rov saud peb yuav tsum txheeb .

Kom muaj ntau txheej kev kawm raws li moj 11
yam tib neeg kom txog thaum nws fib rov rau
ceeb tsheej kom tam sis no nws pom txog lub
niam sam xeeb ntawm kev ua leej neeg nyob
kom meej tseeb thiab txhua sij hawm no peb
muaj kev kawm ntau yam rau kawm sib tov
txuam ntau yam ua ke mus kom txaus li kev peev
xwm ntawm cov keeb txawj txeeg, xyuam fab
txuj ci feem kawm nrog keeb txheej quag kib tib
ntawd muaj meej mom raws li nram no :

- Kev ua nkauj nraug. Kev tsim kho lub neej
thaum muaj cuab yig lawd , kev yuav nce mus ua
niam tsev thiab txiv tsev , kev ua nom ua tswv,
kev sam xeeb ntawm tus coj thiab pej xeem, kev
hwm niam, hwm txiv, kev hawm nom,hawm
tswv los yog tus coj, kev ua tub sab,tub nyiag,
kev ua poj nrauj thiab yawg nrauj,kev ua poj
ntsuan thiab yawg ntsuag , kev ua noj ua haus
kev ua lag luam, kev ua laus neeg , kev ua pog,
ua yawg, kev ua kwv ua tij, kev yug tsiaj, yug
txhuv, kev xeeb tiv thaiv lub teb, lub chaw, kev
twv txiaj yuam pov, kev quav yeeb, quav cawv,
kev siab phem lim hiam, kev ua dab ua qhua
hauv mooj kav moj coj kev ua thawj thiab ua
qhev, kev nyob kev pw thiab xeeb dawb huv
txhua tsav txhua yam, sij hawm peb muaj cov

phau ntawv txhua ham xyuam no los ntos cob qhia lawd, cov tau kawm ntawd yuav txawj,yuav ntse thiab yuav pom qhov tseeb. Sij hawm lawv pom qhov tseeb lawd yuav kho kom tawg paj txi txiv rau lawv tau noj. Lub tsam thawj no txhua txhia leej thiaj zoo ib yam vim lawv tau kawm qhov tseeb los lawm , zaum no peb cov neeg thiaj yuav sib ntseeg siab los sib fim,sib hwm vim lub sam xeeb kev ua thawj coj thiab pej xeem los lwm yam fai ntawd txhua txhia leej paub zoo sib xws, koj tsis lauj kuv, kuv tsis rhuav koj, nyias nyob rau nyias lub hwj chim xwb, koj ua tsis dhau kuv ciam, kuv ua tsis dhau koj ciam feeb feem tug muaj fij ceem. Zaum no peb cov neeg thiaj li txawj paub ib yam , ua dab tsi los thiaj yuav hwj xwm lub sam xeeb meej mom kom mus raug luag siab txhawb nqa yus. Sij hawm no thiaj yuav kho tau peb keeb haiv neeg kom tsim txiaj thiab txawj sib hlub, sib pab ,sib plhws, vam meej ncoo nko li luag ntiaj teb neeg. Thaum zoo li no lawd peb ua dab tsi los yooj yim vim peb tau txais kev kawm txaus lawm peb paub lub luag num thiab lub sam xeeb uas muaj nuj nqis tsim nyog suav daws yuav koom tes thiab txhawb nqa hwj xwm kom ruaj ntseg.

Kawm kom ntse. 12

Sij hawm cov tub ntxhais tau txais kev kawm txawj lawd , lawv yuav xav tau ntau tsav, ntau yam uas tau kawm dhau los, vim qee yam ua rau lawv nkag siab , muaj qee yam kuj tsis nkag siab lawv yuav muab cov paub tsis meej ntawd coj los txhim kho teem kom zoo tshaj cov lawv kawm thiab vim sij hawm no lawv ke kawm ke sim ua txog thaum kawg , lawv cov no yuav muaj qee leej , qee tus peem tsheej los ua keeb xeeb txawj thaum lawv ntse lawm, vim lawv muaj peeve xwm teem kom tiav txuj ci, qee yam uas tsis yog muaj kws cob qhia ua ntej, lawv muaj peeve xwm txheeb teeb tau qhuab ntuas peb haiv neeg kom tsim txiaj paub nco txiaj ntsig feem koom ntawm yus haiv dhau ntawd, lawv cov no yog cov los teem txuj ci qhuab ntuas peb cov xeeb leej, xeeb ntxwv lub neej ncoo nko, peb thiaj yuav muaj lub neej ua kev cia siab vam khom ntawm peb tau ua ntej yuav tsum tuaj yeem dag zog thiab kev txawj ntse chiv peeve los ua lub zog loj kom txaus

kawm kom pom

Sij hawm peb kho tau kev kawm zoo li lub
 keeb ntawm txoj kev vam meej lawm txhua txhia
 leej tau kawm lawd, lawv yuav tsum taug txoj
 kev kawm kom pom lub paj tawg txi lub txiv zoo
 ua dab tsi yuav tsum ua kom pom ntawm lub
 ntsiab muag tiag, tsis ' lam dag li neeg yav dhau
 los lawd mas tsis tau kiag , neej tom ntej no yuav
 tsum rheeb kom pom ntawm lub ntsiab muag
 mam ntseeg tias tau raws li siab nyam tseg lawm
 hais tau yuav tsum ua kom tau , txhob dag
 plhom moj li ntuj yav dhau los. Lub neej tom ntej
 no peb yuav tshwb kom tau pom ntawm daim
 tawv muag mam li ntseeg tias. Muaj thiab tau
 tiag thiab peb yuav ntos piav raws ntaub ntawv
 xwb yuav tsis hais ncauj dawb, ncauj lus li neej
 yav dhau los lawd, ua dab tsi kom pom puav
 pheej thiab kom muaj keeb tiv los ua keej
 khawm peb thiaj yuav ntsib thiab pom yam tseeb
 ntawm peb lub siab keeb tseg. Kev kawm yuav
 tsum muaj qhov tseeb thiaj vam meej taus./.

kawm kom txog chaw.

Lub sij hawm ua peb tsoom keeb kawm lawv tau
 kawm tej yam muaj kuab tsim nuj rau lawv pom
 lawd , tej yam ntawd , lawv yuav tsum mob siab

kawm mus kom txog , vim tias ; muaj yam raug lawv siab uas tsim nyog yuav coj los txhawb txhim kho lub neej hmoob thaum peb cov neeg paub thiab pom txog lub ntsiab kev kawm txuj ci lawd yog yam txuj ci tsim nuj thiab txoj kev zoo ntawd txawm xeeb nyob deb npaum li cas los peb yuav tsum peem kom txog xwb, vim txoj kev kawm ntawd muaj nqis rau yus tus kheej thiab haiv neeg ntawm yus., sij hawm zoo li no nyias xia nyias coj zoo thiab mob siab mus kom txog lub keeb zoo, tsam thawj xaus kawg peb haiv neeg thiaj li peem txog txoj kev huaj vam peb thiaj yuav muaj hnub ntsib pom txoj kev tshav ntuj ci ntsa iab li luag. Txoj kev sawm txhiaj , peb txhua leej yuav tsum ntim su caum kom tau raws li tau piav los no./.

kawm kom tau.

Lub tsam thawj uas peb kho kev kawm tau muaj qee yam zoo txhawb tsav tau lub neej hmoob lawm txawm yuav nyob deb npaum li cas los peb yuav tsum ntxeem mus kom txog thiab kawm kom tau los siv pab txhawb yus lub neej thiab lub sam xeeb kom peem tsheej los ua yus teej tug txhua txoj kev zoo ntawm kev ua neeg puav leej

yog mob siab kawm thiaj tau yam zoo ntawd, **15**
 vim nws nyob siab thiab deb heev kawg tsis tas li
 yam zoo ntawd koj tim tsum yuav yog coob leej
 thiaj mus txog thiab thiaj muab tau. Li no yuav
 yog peb kho kom txoj kev kawm muaj xyuam fab
 zoo xwm yeem , peb txawj sib hlub, sib pab,sib
 plhws, sib koom tim, peb caj npab thiaj ntev, txuj
 ci thiaj nrog peb nyob, peb thiaj li yuav mus txog
 muab tau txoj kev zoo sawm txhiaj los pub rau
 peb haiv neeg siv pov hwm peb kom nyob ruaj
 xws li lub ntiaj teb yees yi no tau. Yog kawm tsis
 tau yuav tsis muaj tshuaj ./.

Kho neeg nplooj siab kom ruaj
 ua ntej ntawm peb yuav nrhiav chaw nyob los
 yog kho tau lub teb chaws rau peb nyob thiab
 yuav keeb tau lub teb chaws yuav yog peb los
 kho peb cov neeg tso. Txoj kev yuav kho peb cov
 neeg muaj raws li nram no.

- 1/- mus txais kev kawm kom txhij txhua
- 2/- txhim kho yam tsim nyog rau haiv hmoob
- 3/- kho yam zoo, pov tseg yam tsis zoo.

Mus txais kev kawm txuj ci.

Lub sij hawm peb kho tau kev kawm meej xeeb
 tau raws li keej khawm uas tau khom tseg lawm

Peb yuav tsum ua teej kawm kom muaj txhij 17
txhua rau txhua txhia lub zos feeb chij kom cov
neeg uas peb tim tsum yuav kho lawv cov lij
xeeb ntawd muaj lub caij thiab chaw los txais
kev kawm. Tsam thawj teem teeb tau teej kawm
lawm peb yuav tsa kom muaj kev kawm xws li.

1/- cob qhia raws keeb,raws toom ntawm tus kev
txheej txheem kawm txuj ci.

2/- kawm raws li hnub nyog thiab sam xeeb
ntawm tib neeg tus xeeb ceem.

3/- kawm raws li neeg laus muaj hnub nyog.
- yuav tsum teeb kev kawm kom muaj kuab
thiab muaj xyuam yeem raws li no mas thiaj li
yuav muaj kev vam meej, vim txoj kev vam meej
yog xeeb los ntawm txoj kev kawm thiab kev
txawj ntse xwb. Yog li no lub neej txuas mus
yuav tsum tshawb fawb raws li keeb teev tseg.

-Cob qhia raws keeb,raws toom
ntawm kev kawm txuj ci hmoob.

-Peb yuav tsum coj peb cov me nyuam mus txais
kev kawm yam muaj keeb muaj toom raws li txoj
kev txawj txeeg.kev kawm ntawd teeb ib thiab
teeb ob ntu pib no tsuas yog cob qhia kom paub
xwb dhau ntawd hnub nyog 12 xyoos lawm peb
yuav tsum kawm kom raws li kev kho neeg,ntu

kev kawm phiaj 21 thiab lwm yam uas muaj txiaj ntsig ntawd, koom tim nrog peb sim neej hauv txoj kev kawm thiaj yuav txhim kho tau neeg. Thaum peb tsoom me nyuam tau txais txoj kev kawm uas muaj xyuam yeem txaus yam puv ntoob thawm tim. Thaum kawm meej yuav dhau los ua keeb txawj txeeg duj txeeg peb lub neej hmoob tub ntxhais txawj ib yam lawm sij hawm no peb cov neeg tsis hais tub los ntxhais yog ib tug xwb paub ib yam txawj ntse ib yam nkaus lawm sij hawm no kuj yog peb kho tau peb cov neeg keeb meej txaus siv rau haiv neeg hmoob lawm.

2/- kawm raws li hnub nyog thiab sam xeeb. Cov laus neeg mus rau cov nom tswv thiab cov coj no peb yuav teeb tsa kom muaj chaw rau lawv tau kawm raws li lub sam xeeb thiab hnub nyog ntawd kom ntxaws. Liaj txheej no feeb chij kom paub txog tias. Sam xeeb thiab vaj huam hwj chim zoo li cas ? peb yuav tsum txhib mus txais kev kawm txhij txhua tsis pub kom zam dhau li poj niam txiv neej mus txais kev kawm kom txhua feeb chij qhov kom suav daws paub txawj thiab ntse ib yam sij hawm ua neeg nyob thiaj txawj sib txhawb, sib fim, koj muaj koj kev taug, kuv muaj kuv kev mus, txhob sib rhuav nyias kav tswj nyias lub sam xeeb thiab hwj chim meej mom xwb nyias muaj nyias sim xeeb thiab

txheeb meej mooj keeb kav nyias lub luag num thiab vaj huam , koj tsis rhuav kuv, kuv tsis cuam tshuam koj , koj hwm kuv, kuv hwm koj nyias muaj nyias cai coj , sij hawm no laud. Peb cov neeg thiaj muaj kev pheej phiaj , muaj xyuam yeem sib luag li luag pej kum cuab zeej neeg.
 3/- Kawm raws li kev neeg laus lawm.

Cov laus uas muaj hnub nyoog nyhav lawm peb yuav tsum qhia lawv txij li sij hawm ntawd lawm tom ntej peb yuav muaj xyuam tim rheeb feeb los feeb kom paub meej thiab ntxaws, txog peb cov neeg mas qhia kom nws tau yam uas yog haum rau nws lub hnub nyoog , kom nws paub tias. Yus laus lawm, lub luag num ntawm yus yog yam twg tiag. Txoj kev lis qav num thiaj li tsis xyuam khuav . Yog tias. Peb tsis qhia kom lawv cov laus paub txog mas muaj qee yam num raug cov laus muab khuab khuam cia , los tej zaum cov laus tsis txhawb nqa. Thaum peb tsoom hluas pom li no lawm, tsim nyog peb yuav maj mam txhawb nqa cov laus . Tiam sis peb yuav tsum nrhiav iav los pub lawv tsom kom thaum kawg pom lawv qhov chaw ceb muag thiab pom ris tsho khaub hlab thaum no lawv thiaj ntseeg peb cov hluas.

Txhim kho yam tsim nyog. 20

Lub sij hawm lawv cov laus thiab cov hluas tau txais kev kawm uas muaj xyuam phiaj xyuam yeem lawd, peb muaj peev xwm yuav kho tau tej yam uas tsis muaj dua hauv peb sim neej es peb thiaj li tsis vam meej ,tej yam uas peb yuav txhim kho dua ntawd muaj ntau yam xws li : kev koom tes, sib hhub, sib pab, tshawb mooj keeb cag haiv tshawb lub xeem kom paub meej, kev ua tshoob, ua kos ntawm peb haiv hmoob, kev ua plaub ua ntug, kev ua pag ua xau, thiab lwm yam uas yog zwm rau hauv peb mooj kav moj coj. Mas peb yuav tsum kho kom tau , tej yam no coj los siv txhawb txhim nqa peb lub neej kom sawm txhiaj sij hawm no yog peb kho tau peb cov neeg lawm tsis hais neeg moj yam twg yuav tsum paub kom txog thiab tau txais kev txhim kho kom txhij txhua ua ntej ntawm 5 xyoos peb mam li nqis tes kho kom tiav rau peb haiv neeg.

- Lub sij hawm uas peb tsoom neeg tau txais kev kawm txaus lawm peb suav daws paub ib yam, pom txog,mus txog, xeev txog, thaum no peb thiaj yuav los pom zoo peb thiaj yuav los txhim kho txhawb peb yim neej hmoob kom ntseg log. Ua ntej ntawm peb yuav zoo thiab vam meej ntawd yuav yog muaj lub txhab nyiaj los koom

ua peev chiv sib pab. Vim lub txhab nyiaj no 21
yog suav daws tug , ib lub hlis tag, ib tug neeg
yuav tsum khwv kom tau moj coj los tso ua haiv
ntiag tug thaum peb muaj neeg cev thiab siv
ntau xyoo , pob phaj ntshab ntawd loj tuaj thiaj li
yuav pab tuam siv txhim keeb kho lub teb chaws
tau los puas yog ua ib yam hauj lwm twg uas yog
haiv neeg tug thiaj yuav peem tsheej tau siv.

Kev tso nyiaj rau hauv txhab nyiaj nws muaj nuj
nqis rau yus haiv neeg kawg yog tias. Tus coj
txawj siv. Yog tsis txawj siv cov nyiaj ntawd yuav
ua tau yeeb ncuab noj teb rhuav chaw liam sim.

Txhawb mooj keeb cag haiv.

Thaum peb cov neeg los sib koom lawm tsim
nyog peb yuav los tshawb kom peb muaj mooj
keeb cag haiv ua lub kaus roos tshav thiab ntis
nag ntawm peb haiv neeg. Kom peb cov neeg
hmoob los ntseeg ib tug kev cai dab qhuas xwb
xws li yog teev hawm peb poj koob yawm txwv
raws li siv yis thiab nraj nyuam ob tug qhia tseg
tom ntej no yog peb ham xyuam tsis tau peb haiv
neeg los teev hawm ua ib tug poj koob yawm
txwv kom tseem ceeb yooj yim rau hmoob mas
lub neej hmoob yuav ruaj cag tsis tau, li no sij
hawm peb muab kev kawm cob tim kev zoo

lawm tsim nyog yuav thom nug kom xeev ras txog es muab teeb meem no los kho ntawm daim tawv muag kom rua qhib los pom tag li. Me keeb cag yog ib ntswg hlua uas ruaj tshaj ,yog khi tau leej twg lawm yuav tsum txhob pub dim vim nws yog ntiaj teb txoj kev ncaj ncees thiab chaw tiag taw vam khom.

= kho hmoob lub xeem: ua ntej ntawm peb cov neeg yuav sib hlub sib haum xeeb mas yuav tsum kho peb lub xeem tso ua ntej peb yuav kho tau peb cov neeg yuav tsum yog kho lub xeem kom meej thiab kom suav daws pom txog txiaj ntsig ntawm lub xeem vim lub xeem yog lub hauv paus chiv cais peb cov neeg,peb tsis paub txog txiaj ntsim ntawm lub xeem tias yog dab tsi tiag yog dab tsi thiaj muaj nuj nqis npaum li cas.

Lub keeb ntawm lub xeem no yog thawj niam thiab txiv txis muab rau peb kom zoo tsim nooob neej xwb tsis tau yog muab los rau peb sib cais li niaj hnub no tsim nyog peb los coj peb tus keeb cim xeem xwb txhob mus taug lub xeem ua ib zog li , qhov tseeb ntawm peb li keeb theej tim ntawd peb yog ib tug tsim xwb peb yuav tsum los keeb fim coj qhov uas hu tias. Hmoob no xwb txhob muab lub xeem coj los hwm coj loj loj thaum peb paub thiab pom lawm tias. Lub xeem

no tsis tsim nyog luj vim heev dhau lawm thiaj 23
yuav zoo taus.

-kho tshoob kos kom zoo.

ua ntej yuav rub kho tau peb haiv neeg kom paub sib hhub, kom tuav tau lub teb chaws, yuav tsum yog peb los tshawb txhim kho kev cai tshoob kos kom muaj xyuam yeem vim lub kiv niam uas ua rau peb liam sim plam kev sib hhub tawg tshwm ua pab pawg ntawd , yog los ntawm kev tshoob kos , nyob rau hauv tshoob kos nws muaj ntau yam liam rau peb xws li nram no.

1/- nqi tshoob kos tsis muaj fij xws ceem raws li liaj
lwg rhawv tseg, rhwv mwg rhawv cia.

2/- nyiag zij luag tub, luag ntxhais feem tsis raug cai

3/- muab plaub ntug los cuam tshuam tshoob kos.

4/- rob caub tshoob kos sib pauj.

- cov kev no koj ua rau koj me nyuam ris, kuv ua rau kuv cov ev mus ib txheej dhau txheej, tis dhau tis xwb, ua rau lub neej yeem tsis muaj kev tshav ntuj thiab ua rau tsis zoo siab npaj lub neej dab tsi li, tsuas yog npaj tswv yim khwv nyiaj thiab yug ntxhais los rob caub xwb leej twg tu tau ntxhais zoo nkauj, tus ntxhais ntawd muaj nqis kawg thiab yuav tau cem neeg pauj kua zaub ntsuab . Mas peb pom tias lub neej dhau los muaj tej yam zoo li no lawm, peb yuav tsum los kho kom tom ntej mus, peb txhob muab txoj

Txoj kev tshoob kos no los ua plaub ntug, ua lag 24
luam thiab rob caub cem neeg lawm , liaj txheej nyiam
tshoob kos yuav tsum ua raws li nram no.

- saib ntawv nywj keeb puaj txwm kom koob hmoov sawv
sib txig thiab hhub nyoog txwm kov txwv , ua ntej yuav
txis txij nkawm kom pub niam txiv ob tog lees paub huv
si thiab nrog saib puaj txwm kom koob hmoov sib txig zos
txais kev kawm kom txaus txog liaj txheej txij nkawm
kom thoob tsib to nrog. Rooj tshoob kos ntawd tsawb tsa
txhawb txij nkawm kom tsim nyog, vim yog sij hawm chiv
peev lub neej nkawd txis ua niam txiv. Yog li no peb cov
tub ntxhais thiaj keeb tau lub neej sawm txhiaj los mus
pab nws tus kheej thiab haiv neeg hmoob , tsis tas li ntawd
tsoom tub uas yuav sib qaws ua neej no, yuav tsum kom
muaj puav pheej thiab keeb tim los ua kab ke sib tham
feeb chij kom txhob muaj plaub ntug los cuam tshuam
rooj tshoob kos no. qhov no yog yuav kho kom sib txis ua
niam txiv txij nkawm ntawd kom ob tug muaj kev kaj siab
thiab muaj chaw vam khom yam txaus siab txaus ntsws
ntawm ob tug txoj kev sib hlub , sij hawm ob tug muaj kev
txaus siab heev lawd , ob tug yuav tom siab cim teem lub
kib neej thaum kawg , muaj noj ,muaj haus . Tsam thawj
no txis ua niam txiv lawm yuav pab tau yus haiv neeg qee
yam tim feeb.. Li no lub neej pem suab thiaj yuav xeeb
muaj kev huaj vam thaj zoo sib xws, koj tsis ntshaw kuv,
kuv tsis ntshaw koj, zaum no teb chaws thiaj li nyab xeeb
txwm lij zoo xws ntiaj teb neeg.

Kho plaub ntug hmoob.

25

.Ua ntej yuav kho tau peb cov neeg kom yog ib tug mas yuav tsum kho plaub ntug kom txhob xeeb muaj rau peb tsoom neeg vim plaub ntug yog kev cib nyeej ntawm peb tsoom neeg uas yog qhov chaw khib xeeb tshaj plaws vim li cas thiaj yog kev khib siab tshaj. Vim yog nyiaj muas tau cai pov tseg. Cov ruam, cov pluag thiab cov tsawg, cov no yeej tsis muaj ncauj hais tau li , vim cov ntse, cov nplua nuj muab xauv lawm , vim yog muab nyiaj muas tau cai pov tseg. Yog li no cov ruam hais tsis taus, thiaj li khib siab heev nyob nraim lub siab tsis ploj kiag. Tom ntej no kev ua plaub, ua ntug yuav tsis pub nyiaj muas cai lawm, yuav tsum yog yeej kom, tim kom ob tug sib tim meem xwb , tsis pub coj cov txawj ntse tuaj sib kwv nyom li niaj hnub no uas leej twg coob ces pab ntawd yeej xwb tom ntej no yuav cia cai yeej , yuav tsis pub neeg yeej cai lawm./.

-kho kev ua pag ua xau ntawm hmoob
nyob hauv peb haiv neeg txoj kev ua pag, ua xau mas tsis muaj xyuam yeem txaus , hais txog kev ua koob, ua hmoov rau tus qaug lawm mas kuj muaj quag lawm thiab tab sis tsis sawm txhiaj rau qhov peb cia qaug ntawd lub zeej txhiaj lwj tsw phem. Tom ntej no peb yuav kho kev ua koob hmoov qee yam tshiab ntawm tus qauv lwj vuab tsuab liaj txheej ntawd muaj raws li nram no.

- 1/- lus hais ua koob hmoov qee yam (foom kom) 26
2/- tus qauv tsis pub kom lwj tsw.

Lus koob hmoov qee yam(foom kom)

nyob hauv txheeb meej kev ua pag, ua xau , mas nws muaj qee yam tsis zoo uas yog cov lus ntos hais rau tus qauv lwj cov lus no muaj raws li nram qab no.

1/- thaum tus qauv ntawd tag sim neej lawm tsis muab tus neeg ntawd ntxuav kom huv huv, mam li muab ris tsho rau hnav. Tom ntej no peb yuav kho qhov no, kom muab lub cev qaug no ntxuav kom huv huv mas mam li kho tsoos rau hnav raws li kev cai hmoob.

2/- kho lus thaum tus txiv taw kev hais kom sawm txhiaj feeb phim me ntsis xws li : txhob hais lo lus tias: ntuj txiag teb tsaus, ntuj tshav teb nquab. Yuav pauv hais tias : ntuj ceeb tsheej, yaj tsawb kiab yeeb tsawb khw, nruab hnub zoo li hmo ntuj, hmo ntuj zoo li nruab hnub , sij hawm uas txiv taw kev xa tus ntsuj plig ntawd mus txog rau ntawm nrim teb neej thiab dab ntawd, txhob hais cov lus dag li niam hnub no . Cov lus phem dag muaj li no.

leej twg xa koj tuaj, koj teb tias yawg dab, yawg tsav tsi tsis muaj npe ntsej luaj ntxuam, muag luaj khob xa kuv tuaj nws tuaj qaum choj, rov qab choj, tuaj xyoo no rov tsaib no . Cov lus no muab tsom kwm xyuas tsis raug chaw pes tsawg lawm , tom ntej no mus peb thov kom hais li no : ntiaj teb luag thov txog kuv yam muaj nqis luag muab nyiaj txiag ntiav kuv mas kuv thiaj muaj pee v xwm

Xa koj tuaj txog qhov no, dhau nov mus kuv tsis 27
mus lawm yog koj tshuav koob hmoov ntiaj teb dab tsi koj
hais thiab muab rau kuv , koj mus txog ntuj ceeb tsheej
koj pog, koj yawg nug tias leej twg xa koj tuaj , koj hais
tias. Yog kuv xa koj tuaj, koj pog, koj yawg hais tias. Ua
li ib rag nyuj puas raws cuag, ib rag nees puas raws tau,
koj hais tias. Txhob hais ntawd tub qaug luag nyob ntiaj
teb luag yog nom, yog tswv luag ntawv noj, ntawv haus
tsis tau tas, txhob hais li tsam luag hnov luag tsis txaus
siab, luag ua plaub ua ntug tuaj . Koj yuav hais no xwb.

- kho thaum ua cov neeg coj tus qauv mus nrhiav chaw nyob ntawd tus cuab tsav thiab cov kwv tij hais cov lus raws li nram no. Yog tus laus ntawd muaj tub, muaj kiv.
- thaum tsaws tso rau hauv qhov lawm cov tub los nqa taub hau thiab hais tias : nce toj kom koj zog loj,koj mus peem tsheej ua yawm xob laug, nqis hav kom koj zog nchav peem tsheej ua yawm zaj laug, koj tsa muag zaj los saib kuv ua neej nyob yaj ceeb kom ua tau noj tau haus nyob nyab xeeb tsis muaj mob, tsis muaj nkeeg.laud.
- ntawm koj kom sawv toj xab xeeb los txhawb koj, sawv pes kom xab xaws, ruaj li zeb, tawv li tsua, nce toj kom koj zog loj, peem tsheej mus ciaj ua zaj latig, nyob pem hauv ntuj , nqis hav kom koj zog nchav peem tsheej mus ua zaj laug nyob rau hauv nruab tiv, kom koj tau mus nrog luag ua nom, ua tswv tsheej faj tim huab tais nyob txheeb vam kem tav faj tiam mog.

- Koj tsa muag zaj saib kuv nrog tsev neeg kom tau 28
txoj siav nyiaj siav kub, nqaij toog txhav hlau ,nqaij zeb
txhav tsua , kom kuv nyob ntiaj teb muaj noj muaj haus
peem tsheej mus ciaj nom, ciaj vaj tsheej hwv kom lub
ntiaj teb tuaj keeb fim kuv,,kuv tsis ua los kom tau noj,tsis
khwv los kom tau haus, nyiaj kom los puv nas, qoob kom
los puv txhab, tub, kiv kom puv vaj, puv tsev, kom txawj
ntse ua tau thawj nom, thawj tswv, siab loj, siab dav hlub
taus ntiaj teb li pej xeem huab hwm no laud./.

- Tsa koj txoj kev mus cuag niam thiab txiv faj tim vaj
hmoob nyob tuam tshoj ntuj ceeb tsheej kom koj mus
dawb, mus zoo, nco ntsoov mus thov daim ntawv sawm
txhiaj ua nom ua tswv, ua faj tim rov los hlub peb no mog.
Li no tus qaug lawd thiaj nco ntsoov mus xaiv daim ntawv
zoo . Dhau ntawd thaum muab txhib txiv txiag coj los tso
rau haum lawm ces suav daws yuav npoog av rau los kuj
yuav tau kho tus cuab tsav cov lus phem, lus dev lus
plhom moj txhob hais lawm. Tom ntej no peb yuav kho
kom hais li nram no. thiaj tsis yog lus dev lus plhom moj.
1/- kwv tij neej tsa cov ntsuj plig tawm los kom tas meej,
txhob nrog tub tuag mus mog, .

2/- qhib koj cuaj txheeb cuaj vam tiam xeeb leej, xeeb
ntxwv ,cuaj txoj sawv toj, yim txoj sawv pes , koj xeeb
leej, xeeb kev ua nom ua tswv, ua vaj ua hwv nyob rau yaj
ceeb no tsis pub plhoj, tsis pub qaug kom ruaj li zeb, tawv
li tsua ntiaj teb tau kev tuaj koom fim hawm.

3/- ntsia ntuj kag, saib ntuj hu kom txoj kev khwv iab,

khwv daw. Txoj kev tshua xeeb leej, xeeb ntxwv 29
kwv tij neej tsa thaum ua neej nyob sib hhub . Txog koj
caij xaus koj kee ncaim lub ntiaj teb mus rau ceeb tsheej
mog. Li no tus ntsuj plig thiaj li txais tau ib lo lus yeeb
tshuaj nyiaj kub coj mus ua chaw tshua. Yog tias, tus
qauv ntawd yog me yaus no ces txhob hais cov lus sawm
txhiaj ntawm no, vim tsis yog neeg laus es tsuas hais cuab
tsav cov lus xwb. Lub sij hawm uas muab tus qauv faus
tas lawm, cuab tsav yuav tsum muab tus qauv ntawd rab
hneev tua ib hnee lawm tuam tshoj coj nws kev thiaj li yog
vim rab hneev ntawd , muaj hwj chim heev .

-muab phaj ntshab rau tus ntsuj duab.

Yog tias, cov laus tag zim txwv , muaj zoo tub nyab yuav
muab nyiaj rau tus qauv ntawd mas. Kom muab thaum sij
hawm txiv taw kev tab tom taw kev ntawd thiaj tau txais
tiag. Vim tias. Txiv taw kev yog tus coj tus ntsuj plig mus
txog ntua nrim teb neej thiab dab. Tsam thawj uas txiv
taw kev xa mus kawg kev lawm. Yuav tau muab cov nyiaj
ntawd cob rau ntau npaum li cas los zoo, thaum yuav
hlawv cov ntawv nyiaj ntawd cia cov tub nyab los hlawv
cob ua luag tug, sij hawm ntawd yuav hais li cas los tau
vim tus tseem ntsuj duab mus yuav dhau ciam ntuj tiag li
tom qab hlawv ntawv tas ces txiv taw kev xaus lus sib
ncaim, sij hawm sib ncaim ntawd tsis tsim nyog yuav quaj
heev, vim yog suav daws quaj heev mas yuav ua rau tus
qauv ntawd ntxhov siab dhau, nws taug kev mas hnov
suab kab, suab noog quaj nrov ziag ua rau kho nws siab

Tshua cov nyob rov rau tom qab.

30

= nyob hauv lub hleb : nyob hauv lub hleb
ntawd

tsim nyog peb yuav tsum muab ntaub dawb huv
los pua kom nws mus thawj thiab luag thiaj li
txais yuav ua ntaub ntawv rau nws mus thawj
xeeb yooj yim. Caij chib coj tus qauv ntawd mus
lub sij hawm yuav coj tus qauv tawm hauv tsev
mus ntawd kom yog lub caij chib zoo, feeb chij
kom mem toj, mem av txais yuav tus ntsuj duab
ntsuj plig, kom yog lub caij uas muaj zog loj,zog
nchav kom lub cev qauv tau chaw nyob ruaj zoo.

Tso tseg tej yam tsim nyog tsis yuav.

Txhua yam uas yog keeb chiv vuab ntsuab hauv
peb yim neej es niam no peb pom tias. Yog dab
xyob txhiaj pem hwv. Nws xyob peb lub neej
hmoob pov tseg lawm, tsim nyog peb yuav ua ib
thaj neeb nphau kom dhau mus lawm ntuj
nraum ub ntawd muaj raws li nram no.

1/- Tso tseg lub xeem,txhob muab coj los saib loj
heev rau peb yim neej peb yim neej thiaj li yuav
tsis liam, tsis tawg mus ua pab, ua pawg, lub
xeem cia ua tshoob kos li thaud ub niam thiab
txiv feeb xwb thiaj li pheej phiaj tau peb haiv
neeg, vim peb haiv neeg lub npe yog hmoob xwb

2/- tso kev cai coj tej yam me me uas yog 31
thaud cov neeg siab me qia dub ua tus tsim
rhawv los ua keej khawm keeb tim rau peb siv
pov hwm peb , thaum kawg yog xyob txhiaj
muab peb xyob liam sim, xws li yog feem dab
qhuas ntawm tej pawg neeg uas nyias muaj nyias
hauv nyias pab, nyias pawg xws li tej dab roog
muaj cov(tsib txig, xya txim, cuaj txim) tej no
yog kev qia dub rhawv los xwb.

3/-Tso kev plaub ntug tseg. Txhob mus ua plaub,

ua ntug , txawm koj yeej los tsis zoo, kuv yeej los
tsis tsav, vim plaub ntug yog kev cib nyeej thoj
chim ua pob khaws tseg. Vim peb yog ib tug
hmoob thaum kawg rov mag rooj ntxiab qub, tsis
meej li ntawd , kev plaub ntug yog hau kev sib
tawg xwb. Thaum zoo li no, yus haiv neeg zoo li
lub vaj tsis muaj hlua pav tsiaj plos tau mus noj
qoob loos yooj yim kawg li.

4/- kho tseg txoj kev rob caub yog tias. Pheej rob
caub xwb, txawm tsawg tiam los rob caub tas li
thaum kawg tseem peem tsheej mus ciaj tsov rog
thiab ua neej nyob yeej khiav tsis dhau lub ntuj
thiab daim av thiab qhov meej tseeb thiab zoo.

5/- Tso txoj kev ntshaw nyiaj txiag tseg. Vim
nyiaj txiag yog kua muag , yog thaum ntshaw

nyiaj lawd yuav raug luag ntiav sij hawm luag
 ntiav lawd yuav tua cov neeg txawj ntse pov tseg
 thaum kawg yuav tua tus ntshaw nyiaj thiab ces
 tag li . kev siv nyiaj muaj ob yam siv xws li : siv
 yus tug thiaj tsis muaj kiv kiam, txhob mus siv
 luag cov ntiav yus. Thaum ntshaw nyiaj lawd ua
 dab tsi los yeej coj lub siab nyoos tau.

6/-Kho txoj kev ntshaw ua nom, ua tswv pov
 tseg. Vin txoj kev ntshaw ua tus coj thiaj ua rau
 lub teb chaws xeeb ua tsov rog . tsuav luag muab
 nom cuav rau kuv xwb ces kuv txawm muab cov
 ntse tua pov tseg, qhov tseeb tseem paub tsis tau
 txog lub sam xeeb ua nom, ua tswv los yog tus
 coj tias. Kev thaj tsob pov plaub keeb tam yus
 haiv neeg yog zoo li cas? Lam ntshaw ua dawb
 xwb. Thaum peb ntshaw ua nom lawd tsis nco
 xav txog lub neej yus haiv thaum no yus raug
 mus ua hauj lwm rau lwm cov neeg , vim lawv
 muab nom rau yus ua yus tseem paub tsis txog
 tias. Lub npe nom luag muab rau yus ntawd, yog
 keeb ntsiab dab tsi tiag. Yog thaum peb tsis
 ntshaw ua nom lawd peb yuav pom keeb tim
 ntawd luag ntxias yus meej ntawm lub ntsiab
 muag kiag tsis tas qhia los yeej paub.

7/- tseg txoj kev ua plees, ua yi tshaj qhov yawm
 saub tsim , peb feem neeg tseem ceeb xws li : tus

thawj coj , tuam thawj peeb , tuam thawj tswj
 hwm, tub kav xwm, tub cag kev kum xeeb,tub
 tshuaj xwm, tub keeb xwm thiab lwm ham
 xyuam yuav tsum tseg txoj kev ua plees ua yi,
 vim txoj kev plees yi yog txoj ncauj kev uas luag
 siv tom txwv thiab txum loom neeg ntse yam
 yooj yim vim txiv neej thaum nrog poj niam
 hluas nkauj lawd lub zog muag heev. Yog li no
 peb cov coj yuav tsum paub kom txog lub keeb
 ntsiab ntawm kev ua plees yi kom meej tseeb.
 8/- Tseg kev lim hiam thiab siab heev cim txoj
 kev no yog txoj ncauj kev yuav nce mus rau kev
 cib nyeej, txoj kev no peb tsoom neeg hmoob
 yuav tsum muab nrauj tseg txhob txob lawm.
 Sij hawm twg txoj kev lim hiam siab phen no
 tseem nyob rau hauv peb yim neej mas ib hnub
 twg peb yim neej yuav tsum kub nyhiab xwb li
 9/- Tseg txoj kev quav yeeb, quav cawv. Vim txoj
 kev no leej twg los tau lawm mas yuav dhau mus
 ua ib tug dab xyob txhiaj loj heev nyob pw,nraim
 hauv lub tsev thiab lub txaj tus no tsis yog neeg
 lawm, nws yog dab xyob txhiaj , nws yuav noj
 nyiaj, noj tsiaj, noj txhuv, noj poj niam me
 nyuam , thaum kawg noj teb, noj chaw, yam qab
 yog nws ib leeg noj xwb. Kawg nws tuag thiaj tas
 10/- kho txoj kev muab hlob pov tseg. Vim nws
 yog txoj ncauj kev txiav kev phooj ywg puag ncig

ntawm yus tus kheej dhau ntev mus yus yuav tsheej mus ciaj ua twm tswb tsis muaj npoj li lawm thaum no tsov hma yuav nyas tom xwb..11/- Tseg txoj kev pom luag tab zag zoo es niaj hnub ntaus laj fab tswv yim mus ntxias deev luag poj. Nqi no thaum kawg yawm saub yuav tsum rau txim kom tsim nyog , vim lub ntiaj teb yeej feeb muaj tug lawm, tsis muaj cai mus deev luag teej, luag tug.

12/-Kho txoj kev nyiag noj, nyiag haus pov tseg. Txhob mus kav xyeem noj luag tug dawb, thaum kawg yus yeej khiav tsis dhau daim av thiab lub ntuj cov huab, cov cua, vim thaum koj nyiag ntawd, daim av huab cua thiab lub ntuj twb pom lawm luag yuav tsum rau txim rau koj thaum kawg , txhob ua neeg nyiag noj,nyiag haus.

13/-Kho tseg txoj kev dag, plhom moj, dag noj, dag haus dag yuav luag tug yam ub yam no yuav yam tsisthem luag nqi, dag tej yam tsis muaj tseeb rau teb chaws txoj kev dag no thaum ntej luag ntseeg, dhau mus luag tsis ntseeg, thaum kawg txoj kev dag yuav xauv yus qhov ncauj,tsis tau nrog luag tham.

14/- Tseg txoj kev yuav luag tub, luag ntxhais hauv kev ua nkauj nraug hauv kev ua nkauj nraug nrog luag tej ntxhais sib yeem txaus siab tsis ua li cas. Yog yuam cai yuav tsum raug lub

Ntiaj teb nplua rau txim raws lij cum kev ua 35
neeg nyob. Lij cum hauv kev ua neeg suav daws
muaj cai sib luag zos, thiab siv cai ywj pheej.

15/- kho txoj kev tub nkeeg. Nkees tsis ua noj,
ua haus, thaum kawg yuav peem mus ua xeeb
txeeb txhav huab noj, huab haus, ces yuav xeeb
plaub ntug. Li no yuav tsum xyaum nquag, sawv
ntxov, nrog luag khwv thiaj li tau noj, tau haus, li
lub ntiaj teb tib neeg nquag.

16/- kho txoj kev taug xaiv ntau ncauj pov tseg.
Hnov luag tham dab tsi txhob maj maj mus ntos
piav rau lwm tus, kom tom ntej mus xeeb muaj
plaub ntug lus xov txom . neeg taug xaiv yog ib
tug neeg rhuav lub zej zog, rhuav kwv tij neej tsa
kom piam tawg tshwm mus.

17/-Kho txoj kev ruam lim hiam tseg. Xws li pom
luag lwm tuš uas yog yus haiv ntse dua yus , yus
txawm khwv tswv yim txum loom luag kom puas
piam tuag mus txoj kev no laud, tos peb haiv tsis
ntse li ntiaj teb . pheej xav cia yus ib tug ntse
xwb mas tsis yog lawm.

18/- kho tseg txoj kev uas tsis sib pab. Luag tsim
txom koj los kuv tsis pab, luag tsim txom kuv los
koj tsis pab txoj kev no thaum tsis sib pab lawd
ces ze qhov yuav piام sij , tus hlob hlub tus yau,
tus yau hwm tus hlob, tus ntse hlub tus ruam,
tus ruam yuav tsum txhawb tus ntse. Sib pab

kom xwm yeem , keeb thaiv peb lub neej thiab lub npe tseg rau xeeb leej,xeeb ntxwv ua tshuaj 19/-kho tseg txoj kev qia dub siab nqaim pov tseg, vim txoj hauv kev no pab tsis tau yus haiv neeg kom muaj noj, muaj haus, thiab daws tau txoj kev ntxhov siab muaj dab tsi yuav tsum pub luag siv thiab thaum kawg thiaj pab tau yus haiv neeg lub neej kom huaj vam mus.

20/-Kho tseg txoj kev sib ceg, sib ntaus, tsis hais txij nkawm los yog kwv tij neej tsa neeg puag ncig , txawm muaj dab tsi los tsis tsim nyog sib ceg, sib ntaus yam tsis muaj keeb toom, vim niam thiab txiv twb muab ncauj siab ntsws rau peb txhij txhua lawm.

21/-Kho tseg txoj kev sib txeeb ua nom, ua tswv fab nom tswv no tso cai rau pej xeem xaiv, yog tau leej twg, nws mam ua, tsis hais poj niam los txiv neej ib yam nkaus, yog cov coj sib txeeb,sib nyom lawm ces yuav ua rau kev tswj kav coj pej xeem cov nyom tsis muaj kev yooj yim ywj thaj. Txoj kev no yuav tsum tau tso kom dav pub rau pej xeem xaiv kom thaum kawg muaj kev tshav ntuj pub rau ib tsoom pej xeem huab hwm.

22/-Kho tseg txoj kev ntseeg lus xaiv lus moo cua ntawm yus cov neeg tsis hais hlob, yau, nom tswv, pej xeem, hnov dab tsi uas yog lus xov txom yuav tsum saib xyuas kom meej meej uas

yauv hais cov lus ntawd, vim lus xaiv no muaj
peb yam xws li nram no.

1/- muaj tseeb hais raws li muaj tiag.

2/- ntxub ntxaug luag, kav xyeem thaum tshum
kom luag xeeb muaj kev cib nyeej.

3/- lam tham txog xwb, paub tsis txog tias cov
lus ntawd yuav peem tsheej plaub ntug dab tsi.

23/-Kho tseg txoj kev hlawv toj, hlawv pes.li yav
dhau los vim ua rau kab ntsaum , tsiaj txhu, nas
noog, xyoob ntoo, nroj tsuag, tuag lawm ntau
txheeb, ntau roob yam. Tom ntej no yuav tsis
pub muaj lawm vim txoj kev no piام mooj keeb
kuab muaj tiv ntau tsav yam ntau yam.

24/- Tseg txoj kev lom ntses hauv dej li ntuj
thaum ub lawm vim yuav ua rau ntses tu noob
tsis tau yug ncauj, yug lo kom kav ntev li luag pej
kum haiv. Mas peb teb chaws thiaj yuav vam

25/-kho tseg txoj kev tua tsiaj ywj siab. Tom ntej

no mus yuav tsis pub tua tsiaj nruab nrug ywj

siab li neej dhau los lawm , vim yuav ua rau

hauv peb lub teb chaws daim av tsis muaj nuj

nqis vim tsis muaj tsiaj txhu los nyob lawm kev

tua tsiaj ntawd, yuav tua kom muaj fij xws sij

hawm txhob yog caij tu me nyuam.

26/- kho txoj kev ntov xyoob, ntov ntoo pov tseg

vim xyoob ntoo muaj txiaj ntsig ntau yam rau

daim av thiab tib neeg xyoob ntoo tuav daim av

Kom khov thiab kom daim av muaj chaw 38
ntxooj , tsis tas li ntawd tseem siv ua vaj, ua tsev
rau neeg nyob , xyoob ntoo muaj nqis tshaj
plaws li tsis tsim nyog peb yuav ntov xyoob ntoo
kom lub ntiaj teb qhuav mus .

27/- kho tseg txoj kev sib nrauj ua poj nrauj
thiab yawg nrauj, vim txoj kev no muaj ntau yam
puas koob meej hmoob yim neej xws li.

1/- ua rau tu kev neej, kev tsav txoj kev sib hlub
sib pab ploj mus tas ib sim neej nyob ntiaj teb no
2/- ua rau me tub, me nyuam txom nyem tsis
muaj tus hlub plhws tsa cuab,tsa yim thiab

txhawb txoj kev kawm txuj ci nrog luag lwm tus

3/- ua rau tus niam thiab tus txiv tag txoj kev cia
siab tsis tom siab ua neeg khwv noj,khwv haus
pab tsis tau yus haiv neeg tej yam tim feeb tsim
nyog yuav muaj nuj nqis rau ntiaj teb pom paub.

28/- kho tseg txoj kev muab nyiaj muas cai pov
tseg. Vim txoj kev no yuav ua rau cov ntshaw
nyiaj thiab cov txom nyem tsis tau txais kev ywj
xeeb vim nyiaj txiag yuav xauv lawv ncauj,lawv
tes taw, thaum kawg cov no yuav tuag tsis qi
muag vim cov ntse ntxias cov ruam nyiaj yuav
thiab muas sam xeeb pov tseg. Thaum kawg cov
no yuav tsis muaj tus coj. Sij hawm zoo li no lub
neej yuav cov nyom ntxhwb ntxhov. Txoj cai
yuav tsum cia suav daws coj, suav daws hwm
txhua txhia leej kom muaj cai ib yam fab nyiaj no

muaj cai Yam fab nyiaj txiag no txhob muab cuam 39
tshuam cai tswj hwm peb cov neeg, peb thiaj yuav sib
hwm zoo li tij thiab kwv. txij no mus tej Yam uas ntos
los tsis txog, tab sis tsim nyog kho thiab muab nruab
tseg. tig los xauj saib neej hmoob zoo li cas, neej liam
los yog los ntawm siab ntsws, neej sawm txhiaj los
yog los ntawm siab ntsws thiab , li no peb yuav tsum
kho neeg kom paub ib Yam tso. sij hawm peb cov
neeg paub txog qhov tseeb, qhov muaj,qhov phem,
qhov, sawm txhiaj, paub txog qhov nyiaj txiag ntawm
feem xyuam ntawd muaj tsoom thawj zoo li cas lawd
thaum no peb thiaj yuav kho tau peb lub teb chaws
kom vam meej haum xeeb muaj noj, muaj haus nyab
xeeb txwm lij. vim li cas thiaj nyab xeeb txwm lij ?
vim yus cov neeg kawm txawj ib Yam lawm,dab tsi
tsis sib ceg, sib cav. vim nyias paub txog nyias lub
sam xeeb thiab luag lwm tus ib Yam sij hawm zoo li
no peb thiaj li yog tib neeg li ntiaj teb.

- kho teb chaws. sij hawm peb kho tau peb cov neeg
lawm zaum no peb yuav tsum los kho teb kho chaw,
kho zej, kho zos kom phim tshawj nrog daim av thiab
xawb luv caww sim ntawm daim av luag txheeb kho
teb chaws mas yuav tsum kho raws li nram no.

ua ntej ntawm peb yuav kho teb chaws kom muaj noj
muaj haus nyob nyab xeeb txwm lij tsis muaj plaub
ntxhwb ntxhov. yus cov neeg txawj sib hlub,sib pab,

sib txhawb,sib tsav, yuav tsum yog peb muaj cai 40
coj tso vim cov cai yog suav daws lub chaw ntshai,
hwm,hawm thiab fim nyob hauv txoj cai teeb tiv no
yuav tsum keeb kom tau meej tias. kev coj noj coj ua
ntawm yus haiv neeg yuav coj li cas? thaum teeb
teem tau meej lawm yuav tsum coj mus nyeem tshab
txhais rau pej xeem mloog kom ntxaws,mam coj los
siv tswj kav yus haiv neeg kom txhua txhia leej nyob
rau hauv qab kev cai coj. tsis hais laus hluas, poj
niam txiv neej nom tswv pej xeem yog teeb tiv ua tus
tswj kav tas nrho ,tsis meej li ntawd kom peb cov
neeg nyob muaj fij xws thiab muaj xyuam phiaj,li lub
ntiaj teb thaum no peb thiaj mam li los teem teeb tiv
los tswj kav raws li nram no.

1/- pej xeem huab hwm li txoj cai tswj kav.

2/- peeb zeej tub rog li txoj cai tswj kav.

3/- Nom tswv loj yau li txoj caj tswj kav.

4/- ntiaj teb li txoj cai tswj kav.

- Pej xeem li cai coj. ua ntej yuav kho tau peb teb
chaws kom nyob nyab xeeb txwm lij txhob xeeb muaj
kev ntxhwb,ntxhov nyob ruaj ntseg mas peb yuav
tsum tsim kom niam txiv kwv tij neej tsa muaj cai coj
xws li yuav piav mus nram no.

1/- txoj cai tswj hwm lawv ua neeg nyob kom paub
txog tias. lawv yog tuam siv cov neeg ua dab tsi dhau
txoj cai uas suav daws teem tseg tsis tau. tsis pub koj
cem kuv, kuv cem koj, suav daws muaj cai sib txig,

Thiab sib luag zos thaum twg nom tswv tsis hhub 41
pej xeem, pej xeem muaj cai tshem tawm , niam txiv pej
xeem muaj cai ua tau tswv av thiab pab nom tswv keeb
thaiv lub teb chaws thaum txheeb tau cai li no lawm suav
daws thiaj yuav sib hwm vim txoj cai thiab lub meej mom
kab kwm kom los sib hwm . Tus tuam thawj muaj sim
xeeb zoo pej xeem nyab xeeb thaj yeeb tsis muaj leej twg
dhia dhau txoj cai pej xeem muaj cai tawm nyiaj txiag xws
li yog them se rau tuam siv yuav coj mus txhim kho teb
chaws yuav kom teb chaws huaj vam tshaj thiab vam meej
mas yuav yog pej xeem koom tes tso nyisj ua peev pab tus
tuam thawj thiab them se kom xwm yeem thaum kawg tus
tuam siv thiaj li muaj nyiaj txhim kho lub teb chaws kom
muaj noj, muaj haus yog suav daws cov pej xeem tsis pab
mas tuam siv kuj yuav ua tsis tau, vim nws tsuas yog pej
xeem ib tug neeg txib xwb. Yog pej xeem tsis pab nws
nws yeej kho tsis tau teb chaws ib yam thiab txhua yam,
txhua tsav los ntawm kev sib hhub thiab muaj teeb tiv ua
kev suav daws taug thiaj li tau , qhov tseeb kom pej xeem
txhua txhia leej paub kom txog teeb tiv uas yog suav daws
txoj kev taug thiab lub taub hau.. Txhua txhia leej,txhia
tus ua neej yoog raws li txoj cai taw kev coj txhua ham
xyuam sij hawm no thiaj li yuav zoo. Nom tswv cov keeb
cai ntawd yuav tsum nthuav cai cob qhia pej xeem kom
paub txhij txhua tsis pub seem kiag li., nom tswv yuav
tsum nrhiav lag luam thiab cai ua qoob, ua loo rau lawv
cov pej xeem coj xws li yog :tus ua qoob kom ua qoob

xwb, tus ua liaj kom ua liaj xwb, tus yug tsiaj kom yug tsiaj xwb, feeb faib kev keev noj, keev haus ntawd kom txhua suav daws, tab sis ib leeg ua ib yam xwb , thaum nom tswv teem tau cai li no yam yeej txeem lawd ,kev lag luam hauv kiab khw thiaj muaj nqis sib luag thaum no txhua txhia yam thiaj li tsis poob nqi. Tib neeg tsis hais poj niam los yog txiv neej hlob yau, laus hluas tsis pub coj xeeb ceem los yog nrhiav noj, nrhiav haus dhau txoj cai coj. Vim suav daws twb dhau ntawm txoj kev kawm los lawm uas nyias yeej paub txaus nyias lawm leej twg ua txhaum yog nyias rau nyias txim xwb, vim txoj cai coj twb kawm txhua lawm. Thaum peb muaj cai li no rau pej xeem coj lawm peb suav daws nyob nyab xeeb heev kawg, vim txxxxhua txhia leej muaj teeb tiv rau ncoo txhua tsis tos nom tswv rheeb los rau peb vim nom tswv twb qhia peb lawm , liaj txheej no feeb chij kom pej xeem nrog nom tswv keeb tuav tus teeb tiv tswj teb chaws tsoom pej xeem los yog nom tswv yuav tau los tsim sim xeeb uas tawm hauv teeb tiv tuaj rau suav daws siv xws li :

1/- tub yub yeej sim.: nyob hauv quag tsam thawj hauv kev kawm yuav tsum pub lawv kawm teeb tiv nrog kev kawm txij li thaum hnub nyoog muaj 12 xyoos los yog dhau ntawd kev kawm theem qis mus txog theem siab yuav tsum piav qhia txhob muab teeb tiv cais mus ua ib ham xyuam seem kwm li yav ntuj dhau los , yog ua li ntawd yus cov neeg yuav paub tsis meej, tsis ntxaws , cov neeg uas ua txhaum teeb tiv ntawd, nws muaj ob leeg.

1/- tus neeg tsis paub cai dab tsi kiag. 43

2/- tus paub cai, tab sis nws xeeb meej pem xwv yog li no peb yuav tsum qhia rau lawv paub xwb thiaj tau. Vim peb xav kom lawv pab peb khaws peb phau teeb tiv kom txhob ntuag thiab qhov no feeb chij kom paub txhij txhua thaum paub txhij txhua lawm yus cov neeg thiaj nrog yus ua las tooj las hlau ,muag nyiaj muag kub keeb tswj lub teb chaws , yog leej twg lom txwm ua phem dhau tus cai lawm, yog nws tua nws. Vim vim nws twb paub lawm sij hawm no peb thiaj muaj kev thaj yeeb. Sij hawm peb cov neeg txais kev kawm meej thiab raug chaw peb yuav muab peb cov neeg feeb cim kom muaj fij xws , xws li : tub ntxhais muaj twj cim. Tub hluas- ntxhais hluas muaj twj cim. Ntxhais hluas muaj tab zag cim muaj meej. Muaj tub roog. Cim muaj tub roog. Yog ua nkauj fa. Cim kom paub. Yog nraug fav cim kom paub. Yog poj ntsuam. Cim kom paub. Yog yawg ntsuag. Cim kom paub. Yog poj nrauj cim kom paub. Yog yawg nrauj cim kom paub. Thiab me tub, me ntxhais cov twj nrog cov neeg no mas yuav tsum kom coj cim xeem nrog thiab thiaj li meej cov twj cim no yog yawm xeev laus los yog keeb zos ntawd,ua tus tim cob rau raws li lub sij hawm xeeb tau.

= tsoos tsho hnav ntawm pej xeem. 44

1/- pej xeem huab hwm yuav tsum hnav ib hom tsoos tsho kom muaj twj cim.

2/- thawj keeb zos los yog xeev laus kom muaj ib hom ris tsho thiab.

3/- Tim khawv yuav tsum hnav ib hom tsoos

4/- Tuam kuab kom hnav ib hom yus siv los txawv moj yam me ntsis.

- qhov no yog ua piv txwv txog xwb hu ua hom neeg uas muaj hauj lwm ua mas yuav tsum hnav tsoos tsho kom txawv yus siv thiab moj yam. Txij li tim khawv ntawm xeev laus mus txog rau tuam siv yuav tsum kom hnav tsoos txawv yus siv tthiab moj yam, tsis meej li ntawd xwb cov hluas kom hnav ib yam yus siv, cov uas laus muaj txiv, muaj tab zag lawm kom hnav ib hom feeb chij kom peb cov neeg nyob muaj fij xws, tag ntawd. Kev ua tshoob, ua kos, ua pag, ua xau rau ntsuj plig yuav tsum hnav kom txawv thiaj li muaj fij ceem rau peb cov neeg kom zoo li luag ntiaj teb thiab nyob rau hauv xeev laus tsev yuav tsum muaj twj cim seem kwm uas siv feeb chij rau cov neeg uas xws li: hluas nraug, hluas nkauj muaj txiv. Muaj tab zag, ua nkauj fa, ua poj nrauj ua nraug fav. Ua yawg nrauj, ua poj ntsuam, ua

yawg ntsuag, thiab lwm yam. Sij hawm uas cov neeg nkag rau ham xyuam twg lawd xeev laus mam li ua tus muab twj cim los cim rau yog tias. Muaj ib tug poj niam khiav tuaj txog rau hauv xeev laus tsev lawm xeev laus yuav tsum muab tus twj cim nkauj fa cim rau. Tog tub xeev laus yuav tsum muab twj cim nraug fav cim rau tus poj niam khiav lawm kom suav daws paub tseeb. Hais txog tshoob kos. Thaum coj tus nyab los txog ntawd,yuav tsum ceeb toom rau xeev laus, xeev laus muab twj cim tuaj cim rau tus tub thiab tus nyab ntawd kom paub meej tias.yog muaj tub roog thiab muaj tab zag lawm.thaum hu plig khi tes ntawd yuav tsum mus nqa ris tsho nkauj nyab nraug vauv ,phij laj, ntxhais ua luag tuam mej koob,thiab lwm mej koob hauv xeev laus los hnav raws li mooj kav moj coj, tab sis yuav tsum muaj chaw cim mej koob tog vauv thiab tog niam txiv kom peb cov neeg muaj peev xwm paub txog tias. Leej twg yog thiv meem dab tsi? Qhov no yog hauv mooj kav moj coj ua tus tawm tswv yim tsim ua ntej .. **ua pag ua xau** nyob hauv feem kev ua pag,ua xau ntawd, kuj yog ib yam tseem ceeb ntawm peb kawg thiab, thaum muaj ib tug qauv lawm peb suav daws yuav yuav neeg los siv xws li : kav xwm, txiv taw

kev, txiv qeej, txiv nruas, tshwj kab, niam ua mov
niam ev dej, tub txiav taws, txiv cuab tsav, txiv
nkauj . thiab txiv xaiv. Cov neeg no yog cov tuam
thawj ua hauj lwm nta dab, nta qhua dhau ntawd
tshuav cov neeg hu tias. Tseem ceeb kawg yog
muaj xws li. Muam phauj, txiv dab laug. Cov ntos
los no yuav tsum kom muaj keeb cim rau lawv
kom lawv paub txog lawv thiv meem ntawm cov
kig los yuav tsum kom muaj ib yam. Thaum peb
kho tau peb cov neeg muaj fij xws li no lawm lub
ntiaj teb thiaj yuav pab peb tsa peb lub neej. Hais
txog ham xyuam no yog thiv meem txheeb tawm
ntawm fab kev ncaj ncees hauv mooj keeb cag
vim peb tsis muaj kev txhim kho li no lub ntiaj
teb no thiaj li ntsia peb zoo li tsiaj yeeb vim yog
luag ntsia peb lub neej tsis zoo li neeg lub neej.
Tsis tas li ntawd peb yeej muaj ib lo lus ntos tseg
nraim hauv peb yim neej tias. (Peb hmoob dev
npua cai) lo lus no hmoob yeej ib txwm hais li
ntawd. Vim li cas thiaj hais li? Vim tias. Vim tias
suav daws tsis muaj ntaub ntawv los txhawb kho
yim neej kom nyob muaj xyuam yeem li luag txoj
cai tsis muaj paus ntsis thaum kawg tseem muab
rau tsiaj txhu txiav txim neeg raws li cov laus
tham tseg tias. (thaud cov deev luag poj niam
thiab ua tub sab ntawd luag muab rau nyuj dua
pov tseg yog tias. Tsis zeem tsis yib) qhov no
laud qhov uas muab peb txoj cai tis lub npe

Phem raws li xeeb muaj thaum ub cov laus 47
coj los . li no peb yuav tsum txheeb teem teeb tiv
kom thawm tim muaj kuab los tswj peb tsoom
neeg kom yog neeg li ntiaj teb thiab. Ua neeg
nyob lub luaj pua no yog leej twg tsis muaj cai
thawm tim los coj txhais tau tias. Pab pawg neeg
ntawd tsis muaj keeb xeeb los roos li luag pej
kum ,tag ntawd lub ntiaj teb yuav muab pab
pawg neeg no ntaus nqi li cas los tau txoj cai no
zoo nkaus li txoj kev yus taug xwb leej twg los
yeej xav mus txoj kev tiaj tus thiab txoj tsis fab
xwb peb yuav tsum tseev tsim peb lub neej
hmoob kom muaj chaw rau xwb thiaj tseg, muab
coj los xauj meej meej lawm puas tsav, puas yam
ua ntej yuav zoo yuav tsheej yog tus ntaub ntawv
ua tus txhawb tsav thiaj li tau xwb.

- cov niam tsev,txiv tsev.

Dhau ntawm cov tub yub yeej sim lawm.peb
yuav tsum teeb cai qhia rau peb tsoom niam tsev
thiab txiv tsev coj kom txhij txhua .rau qhov haiv
yuav dhau mus rau qhov vqm meej yog cov niam
tsev thiab txiv tsev ua cov pab tuam thawj,tuam
siv tsav lub teb chaws li no yuav tsum yog cov
niam tsev,txiv tsev muaj kev kawm thiaj muaj cai

coj koml lawv lub neej muaj chaw cia siab thaum
 kawg thiaj li yuav pab tau lub neej hmoob kom
 vam meej lub neej yuav zoo yuav yog tag nrho
 suav daws pab tus coj txhawb nqa ua ntej suav
 daws yuav pab tau tus coj yuav yog tus coj teem
 kom muaj cai zoo rau suav daws tuav thiaj li tau.
 Sij hawm twg tus muaj kev teeb cai rau suav
 daws siv lawm , sij hawm ntawd peb cov neeg
 thiaj nyob kab ntsab thaj yeeb .Thaum kab ntsab
 thaj yeeb lawm thiaj li pab tau tus coj hwj xwm
 lub teb chaws sij hawm no peb thiaj yuav zoo li
 luag neeg ntiaj teb tus coj yog tus tho kev ,pej
 xeem yog cov nees thauj nra. Yog kev zoo do
 mus tsis fab nees thauj nra mus yooj yim, muaj
 noj, muaj haus .yog tsis khawb kev kom du yuav
 thauj nees tsis yooj yim lub neej yuav txhawj
 xeeb . puas tsav yam yog los ntawm tus coj, coj
 zoo ua keeb piv txwv thiab muaj lij xeeb txhim
 txhawb neeg mus rau qhov ncaj ncees kob xwb.

-Cov laus lawm.

Sij hawm cov tub yub yeej sim thiab niam tsev
 txiv tsev,lawv muaj cai coj lawm peb yuav tsum
 rheeb kom tau ib tug cai rau cov laus lawd coj
 thiab tus cai uas txheeb rau lawv cov laus coj no
 muaj xyuam fab xws li:

1/- cia cov hluas uas muaj cuab,yig lawd los ua

niam tsev txiv tsev los ua cov coj dab,coj qhua
los keeb tswj lub cuab yig cov laus cia ua qhov
chaw sab laj ntaus tswv yim xwb vim lub neej
muaj xyuam fab tshiab zuj zus lawm.

-Cov laus los ua cov pab saib tej xeeb leej,xeeb
ntxwv thiab hauv lub vaj,lub tsev kom txhob
puas xwm xwb. Sij hawm cov hluas tsis nyob
lawm cov laus ua cov keeb vaj keeb tsev kom
txhob muaj xwm txheej thiab ho ntuas cov hluas
= cov laus los pab cov hluas hwj xwm txoj kev
ua noj,ua haus thiab kev neej kev tsav vim tias.
Cov laus yog cov ntsib thiab pom los lawm cov
laus los ua zoo hais kom cov hluas txhob yuam
kev xyuam khuav cov laus los ua iav rau suav
daws cov hluas tsom kom paub txog neej pem
suab txoj kev ntoj ntag mus ntxiv tab sis yuav
tsum muaj kev kawm ua ntej kom paub txog lub
sam xeeb ntawm cov laus thiab hluas qhov feeb
chij kom tom ntej no cov laus thiab hluas txoj
kev keeb fim nce qib thiab khov sim ua dab tsi
kom caum tes nroos txhob sib cov nyom li yav
dhau los lawd. Raws li neej hmoob yav dhau los
txog niaj hnub no kiag mas pom tias. Cov laus
thiab peb tsoom hluas hais lus tsis sib haum, vim
tias. Kev txawj txeeg ntawm lub ntiaj teb vam
meej deb , ib txhia neeg nyob rau yaj sab,ib hom
nyob rau hauv nroog, ob tug neeg no sib tham
tsis haum li qhov yuav kom haum yuav yog txhai

kom tau lub ntsiab thaum ub thiab niam no kom 50
meej pem tseeb tseeb cov laus thiab hluas thiaj sib
koom dag zog thiab laj lim tau ua ke.

peeb zeej li kev cai coj

nyob rau hauv feem peeb zeej uas yog cov keeb tswj
tuav daim av ntawd, yuav tsum teeb kom muaj cai rau
coj thiab.raws li ntuj nram ntej ib txoj kev peeb zeej
tsis muaj cai coj li. tsis tas li ntawd tseem coj ib tug
cai seem kwm thiab raws li ntsia thiab pom hnov luag
cov laus tham mas cai peeb zeej nthuav dhau deb
heev ua rau neeg,nroj tsuag,xyoob ntoo,tsiaj txhu
raug tsim txom yam vuab tsuab kawg nkaus li ,qhov
no vim peb tsis rheeb nrhiav cai rau suav daws kom
tuav hwj txoj sia thiab zam kom dhau txoj kev
txhaum txheej nyob hauv ntiaj teb no . Lub neej pej
xeem thiab peeb zeej yav dhau los, qhov vuab tsuab
muaj raws li no. txheej 1920 ntawd los mas peeb zeej
muaj cai seem kwm tsis muaj leej twg hais tau ,pom
luag ntxhais zoo nkauj muab yuam hauj xeeb, pom
luag tab zag zoo los muab mos ua dev, pej xeem los
muab tua pov tseg. cov uas los zeem tsam thiab raug
ntes tau los muab tua pov tseg tas, mus txog hauv
luag tej zej zos pom luag qaib,npua luaj phom rau
tseev noj tsis them nqi rau luag li, kwv riam phom
pom xyoob,ntoo tus twg zoo sim phom, lawg phom
rau ua rau xyoob ntoo mob laug tas li ,thaum mus ua

ua hauj lwm pom luag tej pab nyuj,pab twm xuas 51
phom luaj rau tus tuag hlais noj me ntsis, cov tsis
tuag mob laug ntev mam tuag tom qab tsis tas li
ntawd txog twg twv txiaj yuam pov nrog nraim li tej
no cov coj tsis teeb cai rau suav daws coj raws li sam
xeeb peeb zeej. neej pem suab no peb xav kom cov
coj teeb cai rau cov peeb zeej kawm kom txua leej
thiab keeb kwm kom tau txhua tus mam li tawm ua
hauj lwm tsis pub kom ua dhau ntawm txoj cai xws li
nram no : txhob lam tua xyoob, tua ntoo, txhob yuam
luag poj,luag sev, txhob yuam luag tej ntxhais,txhob
tua tsiaj txhu yam tsis noj, tsis them nqi, txhob tua
cov pej xeem uas tsis yog peeb zeej , txawm yog peeb
zeej los thaum luag zeem tsam yib yus lawd tsis
txhob tua luag pov tseg ,cov raug mob tsis tuag yuav
tsum coj mus kho txhob ua li neej dhau los .kev ua
rog sib tua no tsis yog pej xeem ua feem ntau yog
nom tswv ua xwb thaum kawg pej xeem tuag nrog
xwb. ua peeb zeej kom kawm thiab paub txog tias.
tsuav yog yus muaj phom ces txawm yuav yeej luag
tas mus li ,qhov yuav yeej ntawd yog yus muaj coob
thiab ua coj raws kev ncaj ncees kom pej xeem poog
yus muaj sim xeeb zoo muaj xyuam phiaj xyuam
yeem kom yeej txeem thiaj yog ua rog yuav pej xeem
nroj tsuag thiab daim av thaum kawg thiaj yuav muaj
yeej .ua peeb zeej kom kawm nco paub txog txoj kev
ncaj ncees txhua txhia leej kom muaj kev ncaj ncees

Los ua chaw tiag siab ntsws, ua lub teb chaws tus 52
tus ntoo twg vau lawm , pob zeb lub twg txav lawm peb
yuav tsum muab tsa kom sawv li qub tsis tas li ntawd kom
paub txog tias rab phom ntawd yog siv feem xyuam dab
tsi yog siv tua tus peeb zeej yeeb ncuab uas yuav tua yus
xwb ,feem ntawm yus mas yog hais qhov zoo xwb tim
feeb luag tua yus lawm mas mam li keeb thaiv xwb yus
yog cov txhim teb kho chaw tsis txhob mus ntshaw ua
luag nom,luag tswv. Thaum kawg muab luag tua es yus
mus ua luag nom tswj hwm ib pab neeg uas tsis yog yus
feem neeg thaum kawg luag tsis txhawb thiaj yus ua rau
kev kum xeeb nyuab khuab xyuam khuav ,vim tsis muaj
teeb tiv, los ua rog nyob hauv kev ua rog peeb zeej yuav
tsum muaj 5 yam kom xwm yeem thiaj li mus taus xws li.
1/- peeb zeej kom muaj yeej txhij txhua lub sij hawm tos
kev txhib txam lub tswv yim.

2/- Sim xeeb thiab kev kum xeeb ntawm yus kom meej
xeeb thiab ncaj ncees mus xyuam phiaj xyuam yeem yam
yeem txeem raug pej xeem hawm.

3/- kev txhim kho ntawm yus kom muaj xyuam yeem thiab
meej pem tseeb tsis lam dag.

4/- kev ua hauj lwm ntawm yus kom muaj fab txawj txeeg
nqua hu pej xeem mus keeb pov tauv kom tau.

5/- kom sib ntseeg siab thiab keeb nraim kev txhib txam
ntawm tus coj noj,coj ua, coj mus.

- hais txog tus coj nawd yuav tsum cia cov leem ua cov
xaiv thiab pom zoo txhob ua li neej nram ntej cia tus hlob

nws muab nws pab,nws cov txheeb,cov ze los ua 53
keeb thawj, vim lub neej pem suab no peb tim tsum tus
neeg paub,txawj, ntse,ncaj, ncees, muaj peev xwm thiab
muaj nyiaj . Tus niag ua tsis tau kiag ho yog tus tswv cov
coj lam muab los coj, ua rau qav num khiav xyuam khuav
vim nws muaj ob yam xws li nram qab no.

1/- tsis raug cov leem nyiam thiab fim hawm nws.
2/- nws tsis paub txog lub luag num meej mom nws muaj
ntawd kom meej tseeb txog nws lub luag num.

Tsis tas li ntawd yog leej twg lis tau qav num zoo yuav
tsum kom muaj yas txhawb nqa thiab peev txhawb thiaj
feeb chij tsav dej siab thiab siab ntsws ntawm yus feem
neeg ,txhob cia npua tshom, dev noj li tej laus hais tseg
qhov tseeb tshaj txoj kev ncaj ncees muaj kom txaus thiab
siv kom thoob plaws rau yus haiv neeg thiaj tau, tsis tas li
ntawd tus coj mas kom coj dav thiab hlub tshua kom txhij
txhua sij hawm zoo li no peb nqis tes ua dab tsi thiaj li
yuav meej xeeb pem xwv tau, hais txog lub tsam sim mas
kom suav daws fim hawm tus coj thiab thiaj tus coj. Ntos
txog vaj huam thiab txoj cai. Mas suav daws muaj sib txig
zos txhob coj li yav ntuj nram ntej muab lo lus tham nrog
lub ntsis phom thiab nkawm khau xwb leej twg keev nyom
tsis ua zoo hais muab yaj phom thiab ncaws taw hais ntau
xwb, tus liaj txheej no tsuas siv puag thaum xyoo 1920
xwb niam no mas peb yuav tsum muab kev txawj txeeg
los hais neeg kom thaum kawg peb thiaj plam txoj kev
xeeb muaj yeeb ncuab. Neej dhau los thiab neej niam no

nws txawv qee yam thiab tus lij choj thiab ntawm 54
ntiaj teb tig lawm deb heev txoj kev muab hlob thiab
pheej nyiam kom luag txhawb nqa sam xeeb ntawd , tsis
raug cai txhawb nqa lawm niam no lub ntiaj teb tig los
xaiv txoj kev coj xeeb ceem zoo muaj dab tsi ua zoo hais
lub ncauj zoo raws li txiv yawm saub muab xwb, peb lub
ncauj thiab lub siab ntsws ntawm peb ntawd muaj nuj nqis
tas zog vim peb tsis txawj siv thaum kawg xeeb muaj qee
yam ua rau tawg tshwm tau lub neej pem suab tom ntej no
peb muaj txhia ham xyuam fai num ntawm peb lub teb
chaws yuav tsum kawm ua ntej los lis qav num tsis hais
hlob yau kom suav daws tawm los ntawm ib lub teej
kawm thaum kawg thiaj sib yoog sib ccoj mus taus liaj
txheej no yog peb yuav kho kom peb muaj lub teb chaws
nyob ruaj qoos ,niam txiv kwv tij ,pej xeem muaj cai
txhawb nqa feem peeb zeej kom kawg duas ,vim peeb zeej
yog laj kab las keeb thaiv cov qoob loos hauv lub vaj yog
peb cov ncej laj kab yog ncej ntshaub yuav kav ntau xyoo
txhob muab ncej xyoob los ua ncej laj kab thaum kawg
tsiaj yuav noj qoob hauv vaj . Niam txiv kwv tij neej tsa
muaj cai tso nyiaj koom mus ua ncau pav laj kab kom laj
kab txhob tu, ua zoo tsom xam txhua yam, txhua tsav yog
los ntawm kev kawm thiab phaj hauj ntaub ntawv txhawb
nqa xwb thiaj li yuav pab tau.

= nom tswv li kev cai tswj hwm

ntos txog nom tswv txij li tim khawv xeev laus rov saud
txog ntua rau tuam siv yuav tsum kom muaj cai coj thiab

Taug cai ua neeg los yog lis qav num raws li cai coj 55
uas yog pej xeem suav daws zeem tseeb pom zoo kom pej
xeem noj taus nyob taus li luag pej kum thiab cov coj
txhob ua liaj teb rau saum pej xeem nrob qaum noj li ntuj
thaum ub tsis hais cov coj los yog pej xeem nyias nyob
yoog raws nyias lub hwj chim thiab txoj cai coj xwb
thaum zoo li no koj saib kuv muaj nqis, kuv saib koj tsim
txiaj tsam thawj no koj yuav kuv lub pov nyiaj,kuv yuav
koj lub pov kub, peb yuav sib hwm thiab sib hlub ,sib
txoos npaum li peb txoos peb lub qhov muag tsam pas
tshum ,thaum pas tshum peb lub qhov muag dig lawm peb
yuav tsis pom kev thaum peb tsis sib fim, tsis muaj cai coj
ces zoo nkaus li ua neeg dig muag , neeg dig muag yuav
tsis pom kev yuav mus tsoo xyoob,tsoo ntoo,yuav mus tsis
ncaj kev ua neeg tsis muaj cai coj los zoo ib yam li thiab
tsis muaj txoj cai coj, ua dab tsi los yeej txhaum vim nws
paub tsis txog . Li no neej pem suab no ,peb xav kom
muaj cai coj , piv txwv li ntuj los nag kom nyias muaj
nyias kaus los kwv roos nag . Peb nyob kom muaj fij ceem
hais txog nom tswv thiab pej xeem txhob ua li yav dhau
thaum ub, es muaj ib pluag noj, cia qhov zoo thiab qhov
qab rau nom tswv noj ib qho, seem kwm los puas muaj
hluas nkauj noj nrog . Txoj cai no siv rau yim neej puas
piam los lawm ntau txheej,ntau tiam, tej no yog nom tswv
tsis coj cai thiab tsis pub cai rau suav daws paub, peb
feem neeg thiaj li tsis txawj thiab tsis sib fim cov pej xeem
tsis paub txog nom tswv tus cai xyov zoo li cas li.

Cov coj hais li cas pej xeem mloog raws li 56
ntawd thiaj ua rau txoj kev txeeb noj,txeeb haus
ntawm cov neeg lim hiam tau txais kev yooj yim
yam tsis muaj leej twg ras paub txog li ,yeej xav
tau tias tus kev cai coj ntawm nom tswv yeej mus
li ntawd. Txij li thaum suav daws poob ntws los
rau thaib teb thiab sab ntuj nraum ub, suav daws
thiaj mam li paub pom txog lub tsam sim neeg
ntawm pej xeem thiab cov coj yog yuav muab piv
raws li peb lub neej yav thaud mas kuj txaus tuaj
daab ros thiab mob taub hau kawg li vim muaj
qee yam mas txawv deb npaum ntuj thiab av
lawm xyov yog tim yam twg, lub ncauj tshwv
tswm lub ntswg piav tsis tau lub twg li. Tsam
thawj no peb paub pom meej tus keeb cag
ntawm lub hwj chim neeg lawm, peb pom thiab
keeb tau tus coj lub hwj chim thiab pej xeem lub
sam xeeb lawm li no neej pem suab peb yuav
thov txoj cai roos keeb kav peb ua neeg. Leej twg
tau ua tus coj thov kom tee~~b~~ cai rau peb coj thiab
kom tus coj tuav cai tswj teb chaws . nom txhob
ua dhau nom txoj cai coj pej xeem kom yoog
thiab hwm yus txoj cai nyias coj ua raws nyias
thiv meem ,sij hawm nom coj cai lawm ,pej xeem
huab hwm yuav tsum coj thiab, coj txhua txhia
leej,txhia tus suav daws nyob thiab pw nraim

hauv qab kev cai xwb sij hawm no peb zoo 57
nkauj,zoo nraug sib xws. Thaum no peb ua dab
tsi tau kev yooj yim thiab kev txhim teb kho
chaw yooj yim tshaj vim peb muaj taw mus kev
muaj ncauj hais lus,muaj tes ua hauj lwm lawm.
Neej hmoob yuav tshav ntuj nrig. Tauv huab dub
pheej laum auv peb lub zos thiaj yuav kaj peb
thiaj yuav muaj peev xwm pom puag tim tej
khuab ha, muaj tsawg lub roob,tsawg lub hav
peb thiaj pom. Zwj ceeb zoo li no peb loj sib txig
muaj vaj huam sib luag kev taug ntawm peb tsis
muaj pob khaws dawm kev lawm . khiav los tau
maj mam los tau, tso xov phov los tau, yooj yim
lub neej hmoob. Yog tias. Peb tsis tshem tauv
huab dub roos auv peb lub zos mas thaum kawg
vaj tsev yuav puas ntsoog lwj tag,thaum muaj
cua hlob los ces vaj tsev yuav vau tas xwb.

Ib puas tsav yam yog ntaub ntawv sawv tswj kav
thiaj tau, muab ntawv los qhov twg, qhov ntawd
thiaj tau, muab ntawv los qhov twg,qhov ntawd
thiaj peem tsheej xwb

= cai seem kwm. Sij hawm peb txhua txhia moj
yam neeg muaj cai coj uas yog nom tswv thiab
pej xeem teebl koom tim tuaj lawm peb thiaj pom
qab ua neeg. Yuav tsum muaj txoj cai seem kwm
xws li nram no.

1/- nyob sab nraud.

2/- nyob sab hauv.

- yus cov neeg ua txhaum rau cov nraud, los yog nyiag xwv pov rau neeg sab nraud peb yuav rau txim li cas? Thiab cov neeg sab nraud ho ua txhaum rau yus cov neeg ho yuav ua li cas? Peb yuav tsum muaj kom meej tseeb rau peb, feem neeg tau kawm thiab tau paub txog, feeb chij peb yuav ceev cim xwv pov tseg cia ua puav pheej rau peb xeeb leej, xeeb ntxwv tom ntej no vim yav dhau los peb daim luaj pua raug luag lom sawv toj, sawv pes thiab xwv pov tej yam muaj sia piam tas, peb yuav tsum kho cai coj tswj raws li nram no.: sab nraud. Lub neej dhau los peb cov neeg tsis paub txog liaj txheej ntsuam kwm neeg thiab ntiaj teb cov keeb txawj lub tswv yim rhuav tshem peb thiab nyiag peb tej xwv pov tsim nuj muaj nqis. Tom ntej neej pem suab yuav tsum muaj cai tswj kaav cov neeg sab nraud xws li kuv yuav piav mus nram no.

1/- peb yuav tsum muaj cai seem kwm rau nws coj, sij hawm poob rau hauv yus teb chaws.

2/- yus yuav tsum muaj neeg txawj txeeg nrog nws nraim kom txog thaum nws feeb rov fib chj ntsuam xwm xauj nws lub lij xeeb thiab lij cai kev nyob noj ntawm nws txhua sij hawm.

3/- tus neeg yuav nrog nws ntawd yuav tsum yog tuam siv cov neeg uas raug cob ntuas txaus

yam thoob tsib kawg kiag.

4/-Ua ntej ntawm nws yuav mus ncig tau,yuav tsum muab kev tim tsum ntawm nws rau tuam siv paub meej tas mam li tso kev mus tau.

5/-Ua ntej yuav tsum coj nws mus rau tej qhov tsim nyog xwb txhob cia nws ncig mus ywj siab vim peb yuav kho peb lub neej kom zoo li luag cov neeg txawv teb chaws yog ib hom neeg txawj txeeg peb yuav tsum hais kom paub txog peb tus txheej xwm tsim teb kho chaw, vim luag cov neeg sab nraud tsib caug feem pua pab yus, tsib caug tim tsum yuav rhuav yus. Ua ntej nws yuav tuaj yus teb chaws los yog yuav ncig tsham ntawd yuav yog nws paub txog peb mooj kav moj coj me ntsis thiab, yeebvim tias moj kav moj coj sib txawv txav.

5/- peb yuav tau cog kev phooj ywg kom muaj rau cov ntsuab ze ntawn yus qhov tseeb tshaj txhob nrog cov teb chaws puag ncig ntawm yus ua yeeb ncuab li ntuj dhau los yus yog neeg nyob ze ua ke muaj dab tsi thiaj li sib pab tau raws siab xav. Yus cov teb chaws nyob sib tim nrim teb tsis tsim nyog los sib ceg,sib ntaus thiabua tsov rog sib tua rau luag ntsia tsim nyog peb sib koom tes keeb nraim peb tog vaj,tog tsev yuav zoo dua. Puag ncig lub ntiaj teb luaj pua no peb

yuav tsum nrhiav kev nrog luag ua phooj ywg 60
 thiaj li yog cai tsis hais cov vam meej los yog tsis
 tau vam meej puav leej yog neeg sib xws ib yam
 - muaj dab tsi peb muab txoj cai los ua kev taug
 xwb txhob muab lub zog thiab keeb tawv los sib
 nyom ntiaj teb txawm yuav ua cas los thaum
 kawg yog txoj cai xwb thiaj los tswj teem tau
 neeg lub siab lim hiam phem thiaj ua rau neeg
 nyab xeeb txwm lij. Vim thaum ub txiv nraug luj
 tub thiab niam nkauj ntxhi chiv nkawd ob tug
 yeej tsis tau muab lub ntiaj teb thooj av no feeb
 kom muaj tug li niaj hnub no.

-Sab nraud. Sij hawm peb kho peb cov neeg kom
 yog neeg thoob tsib muaj xyuam phiaj xyuam
 yeem tim feeb peb yuav tau muaj cai seem kwm
 rau cov neeg hauv yus lub teb chaws kom txhij
 txhua vim peb yuav muaj kev txwv txiav ntau
 yam uas tsim nyog ntawm peb daim av lub teb
 chaws kev txwv txiav ntawd yuav muaj ntau
 feem raws li kuv yuav piav mus nram no.

1/- txwv tsis pub peb cov neeg uas tsis muaj thiv
 meem dab tsi tsim nyog ntawd, ntsib cov neeg
 txawv haiv uas tuaj nkag rau yus teb chaws.

2/-Txwv tsis pub tham qee yam uas yog cag keeb
 ko ntawm yus lub neej pub rau luag pom ,paub.

3/-Txwv tsis pub tham koj thiv meem rau luag
 los yog koj ho tham kuv thiv meem rau luag.

4/-Txhua txhia yam uas peb yuav tham 61
ntawd yog ntxim mus taus yuav tsum dhau kev
koom txheej tso

5/- txwv sij hawm tham ntawd yuav tsum tsis
pub tus neeg tim tsum ntawd tham ua luag moj
kuab yuav tsum yog ntiav luag lwm tus tib neeg
txhais rau xwb, txawm tias. Txawm tias txawj
luag lus npaum li cas los cia nrhiav neeg txhais
xwb thiaj li yog cai.

6/- txwv khuav tsis pub yus cov neeg muab yus
cov xwv pov tsim nuj muag rau cov neeg txawv
haiv yog leej twg lam muag thaum paub lawd
yuav tsum muab rau txim kom txaus li cai teeb
tseg rau yus haiv neeg tau kawm los lawd.

7/- txwv khuav tsis pub peb tsoom neeg tsim
txom xyoob ntoo ,mooj keeb kuab muaj tiv,tsiaj
txhu,kab ntsaum.thiab nroj tsuag yam muaj txoj
sia thiab tsis muaj los tsim nuj ib yam nkaus.

8/- txwv tsis pub muab luag mooj kav moj coj los
tim dhos nrog yus li dhau cai yog tsis txwv dhau
mus yus teej tug yuav ploj mus zuj zus yam tsis
nco ras xeev.

9/- txwv tsis pub hais luag txawv haiv moj kuab
ntau txuam rau yus li.tsam thaum kawg yus tug
piam ploj mus yam tsis nco txog.

10/-Txwv tsis pub hnav luag tsoos tsho yam
dhau cai vim cov laus muaj keeb tseg hais tias.

Hnavluag tiab, yoog luag siab,hnav luag tsho,
yoog luag ko no.

11/-Txwv tsis pub muag txawv teb chaws cov 62
ntaub ntawv txwm pua nyeem ntos txog kev ua
plees,ua yi ntawm neeg txawv teb chaws muag
rau yus teb chaws.

12/- txwv khuav tsis pub ua yeeb yaj kiab thiab
lis txog txoj kev khib xeeb rob caub nawd.

13/-Txwv tsis pub peb cov ntxhais hmoob qaug
luag keeb haub mus ua niam ntiav.

14/- txwv tsis pub yus seem sob tub txawj txeeg
ua kom hwj thaj yeeb yam yam vuab ntsuab uas
muaj feem ua rau lub neej liam sim thaum kawg.

15/- txwv tsis pub tub ntxhais sib qaws ua neej
hnub nyooog yau yuav tsum yog 18 xyoo rov saud

16/- txwv tsis pub peb cov tub ntxhais mus haus
yaj yeeb,luam yeeb quav dej, quav cawv.

17/- txwv khuav tus cai haus dej, cawv lim hiam
liam moj ntxo yub,li niaj hnub no vim niaj hnub
no vuab ntsuab xos liam qias neeg hhw lawm.

18/-Txwv tsis pub peb tsoom neeg uas yog cov
coj tseem ceeb yuav tab zag txawv nywj keeb.

19/-Txwv khuav tsis pub peb tsoom tub yuav
niam yau yam tsis muaj keej khawm txaus,kom
xeev laus ua tus zeem tseeb pom zoo thiaj li yuav
tau vim peb lub neej liam sim vim yog kev yuav
yuav niam hlob, niam yau xwb.

20/- txwv khuav tsis pub txij nkawm sib nraud
yog sib nraud tsis pub yuav dua tshiab tau. 63

yog leej twg yog tus phem yuav tsum rau txim
rau nws kom txaus nkaus xwb.

21/-Txwv khuav lub niam tswv yim uas tsis pub
ntxhais muaj cai li tub.

22/- txwv khuav tsis pub keeb xaiv moj yam
thiab caj keeb txog kev ua tsohoob kos, thiab ua
thawj coj vim peb tim tsum tus ua tau xwb
txawm yog pej xeem nom caj ces los xij nyob
ntawm tus muaj sim xeeb kev peev xwm thiab
kev ncaj ncees kob xwb kom tsav tau lub teb
chaws xwb ces yog qhov zoo lawm.

Kho keeb tiv thaiv.

Sij hawm peb kho tau kev cai los tswj hwm lub
teb chaws lawm, peb tsoom neeg yuav tsum los
teeb tsav kev keeb las thaiv peb lub teb chaws
kev keeb las thaiv lub teb chaws ntawd yog dab
tsi? Yog teeb tsav kom muaj fab peeb zeej los
hwj xwm keeb tuav daim av yus nyob nyob rau
hauv liaj txheej yuav xaiv tsa peeb zeej ntawd
muaj raws li yuav piav mus nram no.

1/- peeb zeej(leem)

2/- peeb yuj

3/- peeb peeb nias tsam

4/- peeb keeb nrim teb

5/- peeb keeb kav xwm

6/- peeb keem

peeb zeej yog ib co neeg uas pej xeem thiab tus coj tsawb tsa sawv los hwj xwm lub teb chaws kom txhob muaj tub sab tub nyiag txhob muaj neeg txawv haiv tuaj txeeb txhav yuav yus ciam dej, ciam av cov peeb zeej no thiab pej xeem yuav tau nrog keeb thaiv lub teb chaws yam tsim nyog muaj dab tsi txawv txav cov peeb zeej no muaj cai hwj xwm lub teb chaws xws li tiv thaiv. Kev tiv thaiv yus lub teb chaws muaj ntau yam xws li tua, tim meem hais cai, thiab kev kum xeeb kom txaus ua ntej ntawm peb yuav tau peeb zeej los yog(tub rog ntawd) peb yuav tsum nrhiav peeb zeej raws li nram no.

=Rho ntawv keev hmoov yog raug leej twg lawm kom nws ua peeb zeej mus xwb kev ua peeb zeej ntawd yuav tsum muaj kov txwv txog ntawm tsib xyoos mam li tso tseg yog leej twg tsis xav ua mam tso tseg, tom qab tsib xyoos ntawd liaj txheej feeb chij kom peb tsoom neeg txhua txhia leej txhia tus tau mus lis haiv lub luag num los yog keeb yus haiv lub sam xeeb tom qab tsib xyoos ntawd , yog leej twg txaus siab ua ntxiv los mam cia ua ntxiv liaj txheej no ua kom txhua txhia leej paub thiab pom txog lub luag num keeb thaiv yus haiv neeg txog thaum muaj xwm

txheej ntxeev tseev yus lub teb chaws peb 65
txhua txhia leej thiaj li paub txog keeb txheej tiv
thaiv tswj lub teb chaws.

Peeb yuj.

Hais txog fab peeb yuj no los peb yuav tsum
txhawb nqa kom muaj txhij txhua thiab feem
ntau yeeb vim peb daim av tsis txuas rau hiav
txwv ntuj tag los no peb thiaj tsis muaj. Tab sis
tom ntej no peb yuav tsum teeb tsa kom muaj
feeb chij peb yuav keeb kav peb lub teb chaws
thiab kom peb muaj txhua li luag.

Peeb nias tsam(ntaus cuam)

peeb nias tsam no yog ib feem peeb zeej uas feeb
chij tiv thaiv nias tsam lub sij hawm luag lwm
haiv neeg txhib peeb tuaj rhuav peb lub teb
chaws thiab peej feem no. Nyiaj hnub, nyiaj hli
loj thiab muaj tsam sim seem kwm me ntsis, vim
feem no muaj cai pab teb chaws thiab tawm mus
pab teb chaws puag ncig ntawm yus tau yeeb
vim cov no lub hwj chim yeej yog nias tsam tua
rog xwb.

=Peeb keeb nrim teb chaws.

Sij hawm peb muaj teb, muaj chaw peb yuav
tsum txheeb tsa kom muaj cov peeb keeb nrim

no los hwj xwm lub teb chaws puag ncig hauv 66
nrim teb feeb chij kom keeb tau tus xov xwm
rhuav tshem yus lub teb chaws ua ntej ntawd
yuav muaj txheej xwm xeeb muaj tus cov peeb
nrim keeb tau los cej luam rau cov peeb nias
tsam paub.

Peeb keeb xwm txheej.

Sij hawm no yog yus muaj chaw koom lawm
yuav kom yus muaj peev xwm keeb tau puag
ncig hauv yus lub teb chaws mas yuav tsum kom
muaj cov peeb keeb xwm no kom yeej txeem
hauv yus lub teb chaws yam ntxwv ntawm cov
peeb keeb xwm ntawd yuav muaj ntau yam ua
lag luam tsav peb muag ntawv xov xwm thiab tej
yam uas luag yuav tsis paub mas thaum kawg
thiaj li keev tau cov neeg siab phem tsim kev kub
ntxhov rau yus cov neeg hauv lub teb chaws.

Peeb keem. Coov peeb keem no yog ib co
tub rog keeb zej zos cov keeb zej zos no thiaj yog
cov uas muaj peev xwm paub txog tus xwm
txheej xeeb tshwm hauv zej zog yog muaj dab
tsi yus cov neeg thiaj muaj peev xwm keeb kwm
tau txheej xwm sai feem no yog yus muaj liaj
txheej cob qhia rau thiab pej xeem muaj kev
koom tes mas ceev thiab rheeb cov xwm tau zoo
tshaj sij hawm peb muaj teb chaws lawm tsim
nyog yuav tsum tsa kom muaj. Feeb chij kom yus

Kom yus lub teb chaws txhob xeeb muaj kev 67
cov nyom sib kuj nyem thiab kom feem neeg sab
nraud txhob tuah xeeb haub tau yus cov neeg
mus ua lwm yam , peeb keem muaj nuj nqis rau
yus haiv neeg heev vim nws yog tus nyob ntawm
txoj kev phem txoj xub ke muaj phem,muaj zoo
cov no ua cov keeb fim thiab paub yam yooj yim
sai kawg nkaus li no sij hawm twg txog lub caij
no peb yuav tsum txhawb txheeb tsa kom muaj
kho kev keeb xwm txheej.

Sij hawm uas peb lub neej zoo li lub ntiaj teb
lawm yuav tsum teeb tsa ib seem fai keeb xwm
los soj ntsuam yus cov neeg thiab luag lwm haiv
uas nyob hauv yus teb chaws kom txhob xeeb
muaj kev kub ntxhov cov nyom sib cav,sib ceg.
Cov neeg no yog cov uas yus ntseeg siab thiab
tsis pub pej xeem paub txog cov neeg no, tsis
pub txhom ntes neeg. Tsuas yog soj keeb xwm
kom paub meej mam li cej luam rau cov peeb
keeb xwm los yog sib tuav xam nrog cov peeb
keeb xwm maj mam ntes. Peb feem neeg keeb
xwm no muaj num ntis ntsej,ntis muag, rau nws
ua feej chij kom luag txhob paub mas txog liaj
txheej no yuav tsum teeb tsa kom muaj nyob
txhua txhia lub zos loj qav num rau lawv ua,ntis
ntsej muag mas muaj raws li nram no.

1/- ua kiab khw muag xim haum dog dig.

2/-Ua lag luam ncig zej,ncig zos.

3/-Muag ntawv nyeem thiab ntawv keeb xwm.

Qhov pub nws ua lag luam ntawd feeb chij kom 68
kom nws muaj noj, muaj haus thiab thaij li pom tib neeg
txhij txhua , peb cov neeg no peb yuav ua daim yas keeb
cim rau nws coj , ua yuav keeb muaj ib yam hauj lwm dab
tsi mas kom cov no xub paub tshaj cov neeg no peb pee
xwm kom nws muaj num ua nyob rau hauv teeb lim qav
num txhua txhia lub . Yog tus neeg twg yuav yeem thaj ua
mas yuav tsum muab nws pwv xyaum kom paubtxog lub
keeb ntsiab txhob muab yus haiv neeg thiab nws tus kheej
ntawd coj mus muag noj rau lwm haiv neeg thiab cov neeg
phem peb lub teb chaws yuav ruaj txwm lij thiab yuav
raug rhuav tshem yog cov no, vim cov no nyob txhij txhua
txhia qhov chaw thiab paub xwm txhua yam tom qab uas
muab cov neeg no pwv ntuas yuav tso mus li fai ntawd
yuav tau kom cov neeg no swb yeem rau lub ntuj thiab
dain av peb hom neeg keeb xwm no yam tsawg ib lub zos
no yuavtsum kom muaj ob leeg sib pauv tab sisyuav tsis
pub kom pej xeem paub tias. Nws uahaujlwmrau tuamsiv
feebchijkompejxeem txhob ras txog thiaj thiaj paub tau
tias liaj txheej no neeg yuav ua li cas? Yam zoo thiab yam
phem ntawm yus cov neeg yuav tsumcej luam rau tuam
siv paub ua keeb txheej, keeb hli los yog keeb seem thij ib
zaug tsis meej li ntawd cov neeg no kom yog yus li keeb
caj ces haiv thiab kom yog keeb zoo keeb tsim txiaj vim
cov no yog tuam siv tus neeg kho mob ntag, yuav kho
kom zoo los yog cov no, ho yuav tso kab mob tom kom
tuag los yog cov no. txheej keeb quag uas cob qhia rau

cov neeg no yuav tsum cob qhia keeb kav moj coj thiab txoj kev raug luag tsim txom yus haiv nrog rau keeb theej ntawm yus haiv kom thaum kawg nws pom meej pom tseeb thiaj mob siab keeb xwm nrog tuam siv thiab nws haiv neeg hwj xwm tswj daim av, uas yog nws lub chaw txum tim nyob rau hauv tejlub zos me muab peb cov neeg nkag mus ua lees kais cob qhia ntawv phaj hauj rau pej xeem kuj tau vim tias ua lees kais lawm cov pej xeem yuav tsis ras txog hom neeg uas peb yuav cob coj fai no rau yuav tsumkom yog neeg kob xwb paub hlub tshua daim av paub hlub tshua mooj keeb kuab muaj tiv paub hlub tshua yus haiv neeg paub hlub tshua lum sim ntiaj teb mam li txais yuav coj mus pwv xyaum cob ntuas li fab num no yog tus cag keeb thaiv yus lub teb chaws thiab yus haiv neeg ,hom neeg no yuav txwv tsis pub muaj keeb tawv nrog nws txawm muaj los yuav tsis pub rho siv li hom neeg no feeb chij kom tuam thawj tuam siv pom qab teem laj fab txhim teb kho chaw yog pej xeem nyiam li cas cov no keeb keev tau lawm thaum kawg thiaj ua rau tuam siv tsis mob taub hau. Sij hawm peb muaj cov keeb xwm no nyob txhua txhia lub xeev ,nroog thiab zej zos lawm yuav ua rau lub luag num tswj pej xeem ntawm tuam siv muaj kev yooj yim thiab keeb haub hauv feem phem sab nraum nkag tsis tau rau hauv yus haiv neeg thaum zoo li no peb thiaj li muaj lub neej tshav ntuj nyab xeeb txwm lij .feem neeg no yuav tsum yog peeb tib yam thiab ,tab sis yuav tsis pub cov no hnav ris tsho peeb. Kom

hnav tsoos ntem ntiv xwb los tau vim cov no yog ua fai qab rooj muaj cai keeb xwm txhua fab neeg thiab txhua keeb laj fab teem fai ntos txog ntawm suav daws lub luag num uas pab tuam siv keeb thaiv teb chaws.

= Sob nrhiav piام sam.: Phau txwm pua nyeem no yog teem txheeb txog liaj txheej uas yuav tsim kho peb lub neej hmoob yav ntuj tom ntej no xav tias.yuav keeb txheeb lub neej li no. tsis paub tias ua li puas yog thiab puas raug chaw yog keeb nyeem leej twg pom tias tsis tau thawm tim thiab ho nruam yuam kev sob phiaj twg los thov sau ntawv meej tsab nug tau tus teeb . Tus teeb tuaj yeem yuav lees txais kev tim xyeej thiab lij xeeb txhim kho kom tom ntej mus peem dhau ua phau thawm tim rau peb tau siv. Thov kev tim xyeej thiab kev txhawb tsav ntawm peb tsoom neeg thiab tsoom keeb txawj txeeg txhua seem phij nrog pab nyeem thiab ntsuam xwm xyuas

kho neej hmoob kom xws luag neej

tus	teeb	thov	Nqua	Hu	Txog	hmoob
nyob	pem	roob	Tsis	muaj	kev	Kawm
kev	teev	hawm	Muaj	tsis	thawm	tim
nyob	i b	Sim	Tsis	Kho	Lub	Neej
dhau	Ntau	txheej	Neej	Hmoob	Tsis	sawv
tsis	Muaj	ntawv	Ua	Chaw	Tiag	Taw
tsis	Paub	ntshaw	Coj	kev	thaj	yeeb
kuv	tus	Teeb	Thiaj	Teem	los	Kawm
tsis	teev	hawm	Phaj	hauj	ntawv	hmoob
ntuj	tso	poob	Tshwm	xyoo	Tsib	Cuaj

peb	Thiaj	Muaj	Txuj	Ci	Li	Luag
los	Tsawg	tsuag	Sib	Pab	Txhim	Kho
peb	Tiam	No	Lub	Neej	Thiaj	Zoo
peb	Nto	Moo	Tshwm	rau	ntiaj	Teb
luag	saib	Peb	Thiaj	Li	Yog	Neeg
cov	Neeg	ntseeg	Kav	Tsij	los	Kawm
twb	Yuav	tawm	Lub	Caij	Kub	ntxhov
sib	Pab	Thov	Kom	Neej	hmoob	tsheej
peb	txhua	leej	Thiaj	Muaj	nqis	Mog.